



Sala R

Gab.

Est.

Tab.

12

N.º

12

R

12

12

# Aristotelis de reprehē

sionibus Sophistarum.  
Liber unus.

NICOLAO CROVCHIO

Rhotomagensi interprete.



CONIMBRICAE.

Apud Ioannem Barrerium: & Joannem  
Aluarex.

M. D. XLIX.

# Nicolaus Grouchius

*omnibus in Regio Lusitaniae Gymnasio studiosis  
Philosophiae auditoribus. S. P.*



*LII libri, quos de ratione differendi ab Aristotele  
& Porphyrio transstulit Perionius, licet multis in  
locis a nobis emendatis, sub illius tamen nomine ex-  
cussi sunt: hic de sophistarum reprehensionibus eo-  
dem iure esse non potuit, quia non eadem huius atque aliorum fuit  
causa. Cum enim ego id tantum spectarem, ut studiosis philosophiae  
auditoribus, non modo latime, sed etiam plane ac dilucide loquentem  
Aristotelem audire posthac in hoc regio gymnasio liceret: in alijs  
libris, paucis admodum mutatis, ab ipsis quae latime, & eleganter scri-  
pserat Perionius, id, quod institueram, facile praestitum: in hoc tamen mul-  
tis in locis dilucidam orationem, veramque Aristotelis sententiam  
in Peronio (quod pacet amen tanti viri dixerim) desideravi, ut sa-  
tius esset duxerim totum a principio librum de græco vertere, quam  
tantopere immutare, ut minimam a suo authore partem habere vi-  
deretur. Meum consilium, ut in omnium studiosorum philosophiae  
utilitatem collatum est, ita omnibus, opinor, & quis iudicibus proba-  
bitur: Eruntque æquiores, si hanc nostram cum Periony interpreta-  
tione conferant. Non quo homini eloquentissimo illa me ex parte  
conferendum esse prædicem: sed fidelius certe, nifallor, & planius  
a nobis versum esse hunc librum iudicabut, qui utrumque legerint.  
Valete. Conimbricæ, ex regio gymnasio. X. Cal. August.*

M. D. XLIX.

# Aristotelis dereprehē

sionibus Sophistarum.

Liber unus.

**D**e sophistarū autem reprehensionibus, & de ijs, quæ speciem habent reprehensionum, reuera tamen fallaces ac vitiosæ conclusiones sunt, nunc dicendum. In quo ego naturam imitatus ab ys potissimū exordiar, quæ sunt huius disputationis prima veluti elementa. Ac primum quidem alias esse veras ratiocinationes, alias, quæ tantum videantur, nec sint ratiocinationes, iam per se propemodum est perspicuum. Atque ut alys in rebus, ita in argumentationibus propter quandam rerum inter se similitudinem id accedit. Sunt enim inter homines alii, quibus reuera inest bonus corporis habitus, in alijs, aut tumor quidam talis, qualis eße hostiarum solet in sacris curialibus per emulationem curiarum: aut fictus ad eam rem ornatus bonam corporis habitudinem imitatur. Sunt item, qui sua ipsi forma pulchri sunt: ilj autem, qui perfucuntancium tales videntur. Nec dissimilis est in rebus inanimatis ratio, in quibus sunt nonnullæ, quæ videntur, ita reuera sunt, aut argenti, aut aurum: sive

Ay

cum non sint, falsa quadam specie iudicio sensuum vi-  
dentur: ut lithargyrina, & stannea videntur esse argen-  
tea, quæ felle tincta sunt, aurea. Eodem plane modo ra-  
tiocinationes, & reprehensiones aliæ sunt, aliæ propter  
imperitiam videntur. Sunt enim imperiti homines ipsi pro-  
pemodum similes, qui procul res prospiciunt. Ac vera  
quidem cum ratiocinatio est, cum ex quibusdam positis  
quidpiam ab ipsiis, quæ posita sunt, diuersum ob id necessa-  
riò sequitur, quia illa sunt anteposita. Reprehensio au-  
tem, cum est ratiocinatio, per quam non modo conclusio,  
sed eius etiam disparatum conficitur. Fallaces autem  
in utroque genere orationes sunt, quæ idem, quod illæ,  
efficere videntur, nec tamen efficiunt. Id quod multis  
quidem ex causis evenit, sed unus est inter omnes vulga-  
tissimus & latissime patens locus, ex rerum vocabulis.  
Quia enim ipsis per se rebus in medium prolati, consta-  
re disputatio non potest, eo que verbis, quasi notis quibus-  
dam, pro rebus uti cogimur: propterea a fit, ut idem ferè usu  
veniat, quod in subducendis per calculos rationibus, nē-  
pe, ut verborum, ac rerum eandem omnino esse rationem  
existimemus. In quo nos longè latèque erramus: tantū  
enim inter illa interest, ut verborum & orationum cer-  
tus sit ac definitus numerus, rerum infinitus. Unde effi-  
citur, ut una oratione, aut nomine multas res significari  
sit necesse. Et quemadmodum in subducendis calculis

## SOPHIST.

5

qui rudes sunt, & quid suo qui que loco valeant calculi, nesciunt, ab ijs, qui sunt in eo genere periti, facile circu- ueniuntur: Ita in sermonibus conferendis, qui ignorant, quæ sit verborum vis & significatio, facile siue differat ipsi, siue aliorum audiant sermones, decipiuntur. Atq[ue] illa quidem vna causa est præter alias, quæ postea expli- cabuntur, cur saepe videantur esse rationcinationes aut re prehensiones, quæ non sunt. Quoniam autem quibusdam illud est ingenium, ut se operæ premium maius facturos existiment, si sapientes videantur nec sint, quam si esset nec viderentur (est enim sophistice simulata & non vera sapientia, & sophista is dicitur, qui ex ea quam præse fert non vera, sed simulata sapientia quæsum facit) Il- lud profecto ex ijs perspicuum est, tali ingenio natis ho- minibus magis elaborandum esse, ut sapientis officium præstare videantur, quam ut faciant, nec videantur. Est autem (ut singula cum singulis conferam) sapientis in re quaque officium, ut rogatus de ijs rebus, quarum habet scientiam, nil falsum dicat, & ut, si quem in errore versa risenserit, illum coarguat, et de falsa opinione deducat. Quorum prius in bene reddendaratione de ijs, quæ inter rogantur, positum est: posterius in bene interrogando, si quid sit, de quo reposcenda sit ab altero ratio cernitur. Necesse igitur est, ut qui sophistæ munus probè fungive lit, illud fallacium argumentorum genus, de quo paulo

ante diximus, imprimis exquirat: quandoquidem in eo tantum est momenti, ut hac sit una ratio, qua sapientiae opinionem, in qua illi sunt omnia, consequi possit, si tali um argumentorum facultate instrutus sit. Aceste qui dem nonnulla huius generis argumenta, & huiusmodi facultatem ab ijs, quos sophistas appellare solemus, experti, satis explicatum est. Nunc quo sint rationum sophistarum genera, & quis sit numerus singularium facultatum, ex quibus constat hæc tota facultas, & quo partes sint huius tractationis, quam instituimus, & si quæ sunt alia, quæ ad huius artis perfectionem pertinent, dicamus. Sunt igitur ad differendum quatuor omnino argumentorum genera: Unum est eorum, quæ propriè ad docendum sunt accommodata: alterum eorum, quæ dialectica vocantur: Tertio genere continentur ea, quæ ad probandum & examinandum alterum adhibentur. In quarto genere sunt, quæ contentiosa appellantur. Atque illa quidem ad docendum sunt accommodata, quæ constant ex proprijs cuiusque disciplinæ principijs, nec vim habent ab eo, quod respondenti probatur: Credere enim & indubitatam fidem habere enī oportet, qui disce-re aliquid velit. Dialectica autem sunt, quibus utraque pars contradictionis ex probabilibus concluditur. Illa vero ad tentandum & examinandum alterum apta dicuntur, quæ ex ijs modo vim habent, quæ ei probantur.

quocum disputamus: quæq; talia sunt, qualia ignorare non possit, qui sibi alicuius rei scientiam tribuit & arredat. Qua verò ratione id sit faciendum, alijs in libris docuimus. Contentiosa autem sunt, quæ ex ijs, quæ probabilitas videntur nec sunt, aut concludunt necessario, aut non concludunt, sed modò videntur. Ac de ijs quidem, quæ ad docendum & demonstrandum valent, dictum est à nobis in analyticis: de dialecticis autem, & ijs, quæ ad examinandum alterum adhibentur, in superioribus libris: nunc de contentiosis dicamus. Primum autem intelligendum est quot, & quæ sint ea, quæ differendo sibi proponunt, qui contentionis modò, et vincendi causa disputant: quæ sunt quinque, reprehensio, falsum, incredibile quodque sit contra omnium opinionem, solacismus, et quicum cogere eū, quicum disputant, nugari: quod est eiusdem verbi inepta & inanis repetitio. Atque illa quidem sibi proponunt, ut aut reuera assequantur, aut certè ut assequi videantur. Hoc enim est, quod primum & maxime contendūt huiusmodi homines, ut coarguere respondentem videantur: secundo loco falsum aliquid volunt concludere: tertio ducere eō aduersarium, ut admirabile aliquid & contra opinionem hominum dicere cogatur: quarto ut eū, si possint, cogant solacismum committere, quod est aduersarium virationis adductum videri non posse effugere, quin barbarè loquatur: postremò ut ad-

ineptam eiusdem verbi iterationem adducant. Sunt autem reprehensionum generales duo modi: unus in verbis, alter in rebus. Atque ille quidē modus, in quo vis captio-  
nis ex verbis oritur, in sex partes distribuitur, quae sunt vo-  
cabuli multiplicitas, orationis ambiguitas, coniunctio,  
diuisio, accentus, forma dictionis. Eſſe autē tot, nec plu-  
res partes, non modo inductione doceri, sed etiam ratioci-  
natione non vna quidem fortasse, sed hac certè demon-  
strari apertissimè potest, nempe quia non posſit prāter il-  
los modus alijs reperiri, quo non idem semper iſdem ver-  
bis & orationibus dicamus. Ex nominis multiplicitate  
haec omnes captiones ducūtur, Quæ memoriter ab aliore  
citantur, ea grammatici μανθάνοντι, ergo qui docti sunt  
μανθάνουσι: Homonymum est μανθάνειν, interdum enim  
idem valet quod intelligere rem aliquam, interdum si-  
gnificat idē quod discere. Quod quemq[ue] facere oportet,  
id bonū est: ſaepè autem vſuuenit, ut mala nos subire opor-  
teat: malum igitur aliquod bonum est. Oportere duobus  
modis accipi potest: Uno modo pro eo, quod necessarium  
est: quæ significatio ad mala ſaepè pertinet: sunt enim  
quælicet mala ſint, nobis tamen necessario ſubeuenda  
ſunt: Altero modo quod bonum est officiōque consentaneum, hoc verbo intelligitur. Qui ſurgebat, ſtat, & qui  
conualeſcebat, valet: atqui ſurgebat ſedens, & conualeſcebat agrotans: ſtat igitur ſedens, & valet agrotans.

Aegrotantem facere aliquid, aut pati, non habet vna  
 ritum significationem: sed interdum huius generis par-  
 ticipia significat eum, qui nunc aut aegrotat, aut sedet:  
 interdum vero qui aegrotabat prius, aut sedebat. Illud ta-  
 men verum est, eum, qui conualescet, aegrotantem etiam-  
 num fuisse: qui autem valet, non est aegrotans, nisi ita ac-  
 cipias, ut eum significet, qui prius aegrotabat. Ad ambigui-  
 gitudinem orationis haec omnia sunt referenda: Ego velle  
 me hostes capere: Item illud: Quod quisque cognoscit, il-  
 lud ipsum cognoscit. Haec enim oratio vel ad cognoscen-  
 tem, vel ad rem cognitam referri potest. Item illud: Quod  
 quis videt, illud ipsum videt: columnam autem videt quis  
 piam: coluna igitur videt. + Quod esse dicis tu illud ip-  
 sum dicis: lapidem autem esse dicis: tu igitur illud ipsum,  
 lapis scilicet, dicis. Postremo illud quoque ambiguum est,  
 ex quo proloqui: nam hoc dupliciter accipi potest. Uno  
 modo, ut significet loqui aliquem, qui taceat: Altero, ut  
 de rebus mutis loqui aliquem declareret. Sunt autem tres  
 potissimum modi, quibus omnis homonymia & amphi-  
 bolia continetur: unus est, quando aut oratio, aut voca-  
 bulum propriè ac per se multa significat, ut aquila, canis:  
 Alter est, quando ex usu loquendi multiplicitas nasci-  
 tur: Tertius, cum verba coniuncta multis modis accipi  
 possunt, separata simplicem habent significationem: qua-  
 le est illud, scire literas. Ut enim multiplicia non sine

Exemplū hoc  
 licet omnino  
 nō exprimat  
 græcum, ta-  
 men quan-  
 tū paritur  
 latinus ser-  
 mo ad græ  
 cū proxime  
 accedit.

singulare haec verba, scire, & literas, coniuncta tamē multis modis accipi possunt. Aut enim significant ipsas literas scientia capaces esse, aut verò literarum cognitionē habere alterum. Ac modi quidem, quibus homonymia aut amphibolia continetur, his sunt, quos exposuimus. Nunc de coniunctione dicamus, ad quā hæc pertinent omnia: Posse sedentem ambulare, posse non scribentem scribere. Etenim hec duo non idem significant, cum est coniuncta, & cum est diuisa orationis sententia. Est autē huius orationis posse non scribentem scribere, sententia cōiuncta, cum significat eū, qui nō scribit, posse, cum non scribit, scribere: diuisa autem, cum eam vim habet, posse eum, qui nunc non scribit, postea scribere. Est etiam illud ex coniunctione ductum, Quæ scilicet literas, modo didicisti eas: Item illud, Quod vnum solum potest ferre, multa potest ferre. Ex diuisione autem ista ducuntur, Quinque sunt duo, & tria, atque ita paria, & imparia: Item illud, Maius dicitur, quod tantum est quācum alterū, & aliquid amplius: ergo quod maius est, tamen erit, quantum alterum, itaque æquale. Neq; enim idem valet oratio, cum illius sententia modo diuisa, modo coniuncta accipitur: qualia sunt hæc, Egote seruum feci liberum: Quinquaginta hominum centum heros liquit Achilles. Ex accētu autem vix oritur captio, nisi si de scripto sit controversia. Nam in scripto & poema

et sepe locum habet. Quo modo liberatur eorum calumnia Homerus, qui apud illum dicunt absurdè scriptum esse, & καταπύθεται ὡμβρεω: Dicunt enim male accipi accentum illius particulae &, quæ non circunflexo, sed acuto notari debet hoc modo &. Item cum ille locus Homeri reprehenditur, ubi de somnio Agamemnonis agitur, ita occurruunt, ut dicant non esse illa accipienda quasi Iouis verba, Διδόμενη δὲ οἱ θεοὶ χορός αρέσου, sed ijs verbis imperare Iouem sōno, ut det ipse somnus Agamemnoni illud, ut fiat suī votī cōpos Agamemnon, ita ut Διδόμενη pro Διδόμεναι accipiatur. Ac de accentu quidem hactenus. Ex forma autem dicendi tum duci intelliguntur captiones, quando alterius verbi specie falsi in yseandem esseratiōne interpretamur, in quibus nō est eadem ratio: Veluti cum masculinum ad fæmininum genu transferimus, aut contrā fæmininum ad masculinum, aut vero, cum neutrum genus male accipimus: Et cum ad qualitatem transferimus quantitatem, aut contrā ex qualitate facimus quantitatem: Et cum id, quod facere significat, in patiendi significatione accipimus. Deniq<sup>z</sup> cum id, quod certam quandam affectionem declarat, pro actione sumitur, eodemque modo in alijs omnibus categorijs, quomodo superioribus libris à nobis diuisae sunt. Illud enim vsuuenire interdum, ut quod actionem non significat, si tantum speciem vocabuli spectes, ita accipiatur

By

quasi facere aliquid significet, vel hoc exemplo intelligi potest: Valere dicendi forma simile est his verbis, secare, edificare: & tamen illud qualitatem & certam quamdam affectionem significat, haec actionem: nec dissimilis est in alijs ratio. Ac de locis quidem, ex quibus ductæ ex verbo captiones eruuntur, satis. Sequitur, ut de fallaci bus conclusionibus, quæ in rebus continentur, dicamus, quarum septem sunt genera: Primum est ex accidente: secundum ex eo, quod simpliciter aliquid dicitur, vel non simpliciter, sed cum aliqua adiectione, aut partis, aut loci, aut temporis, aut affectionis ad alterum: tertium est ex ignorantia reprehensionis: quartum ex consequenti: quintum ex eo quod sumitur illud ipsum, quod iam inde à principio in quaestione positū est: sextum ex eo quod pro causa ponitur, quod minimè est causa: septimum ex eo quod quæ multæ sunt interrogations pro una accipiuntur. Ac fallaces quidem ex accidente conclusionem ducuntur, quando rei subiectæ, & accidentia eadem omnia attribuuntur: quia enim multa sunt in eodem subiecto, quæ eiusmodi sunt accidentia, propterea non necesse est eadem omnia rei subiectæ conuenire, & omnibus rei subiectæ attributis: nisi velimus fateri omnia, quæ sunt, esse eadem: quemadmodum sophistæ dicunt. In quo vel hac ratione vtuntur, si est diuersus ab homine Coriscus, est à seipso diuersus: Coriscus enim homo est: vel

ista, Si est diuersus à Socrate Coriscus, sit autem Socratis homo, diuersum esse Coriscum ab homine necessariò faciendū est. Hac autem est huius captionis occasio, quod ita forte accidit, ut is, à quo diuersus est Coriscus, homo esset. Ex eo autem, quod omnino ac simpliciter esse dicitur, id quod verè dici potest hoc vel illud esse, aut quod ex parte modo aliqua non propriè, cum vitiosa nascitur conclusio, quando ita accipitur quod ex aliquatantum parte verum est, quasi omnino ac simpliciter verum esset. Veluti si quis aut ex eo quòd res, quae non est, opinabilis est, velle concludere eſſerem, quae non est (neq; enim idem valet rem eſſe omnino, quod eſſe aliquid tale) aut contraria rem aliquam, quae sit, non eſſe, quia de illa negetur alia quadam res: verbi gratia, quia verum sit rem illam non eſſe hominem. Multum enim interest dicas, rem nō eſſe simpliciter & sine vlla adiectione, an verò non eſſe hoc, aut illud. Sed quoniam si verba modo spectes, maxima est a finitas & coniunctio inter ista, eſſe quidpiam, & eſſe, itémque non eſſe quidpiam, & non eſſe, idcirco fit, ut distingui hæc int̄ se non videantur. Quod autem dixi, in eo quod non omnino eſſe, sed cum adiectione tale aliquid eſſe dicitur, idem intelligendum est, quando id, quod in parte modo aliqua & quadam modo verum est, ita accipietur, quasi simpliciter omni que ex parte verū eſſet: Exempli causa, si Indus aliquis, cum sit toto corpo-

reniger, dētes alboshabeat, erit i gitur idem albus, & nō  
albus. Item si pars vna sic uno colore tincta, alteraque al-  
tero, inerunt i gitur in eodem subiecto duo aduersa. Por-  
rò autem harum captionum causa in quibusdam faci-  
lē perspicitur, veluti si postquam sum pseris nigrum esse  
Æthiopem, roges, num sit albus dentes (vt poetæ loquun-  
tur) tum eo sumpto ad extremum omni absoluta inter-  
rogatione, putas te necessaria conclusione effecisse, ni-  
grum esse eundem & non nigrum: In alijs quibusdam  
sæpe v suuenit, vt sit difficilis explicatio, idq; ex duabus  
potissimum causis: Prima est, quando ex eo, quod cum  
adiectione alicuius partis dicitur, simplex & absoluta  
pronunciatio rectè sequi videtur: altera cum ita alteri  
conueniunt alia, vt sit difficile perspicere, utrum ex illis  
simpliciter ac omnino dici iudicandum sit: quemadmo-  
dum euenire solet, cum duo aduersa pariter alicui in-  
sunt: cum enim aut utrumque, aut neutrum simpliciter  
dici admittendum videtur: Verbi gratia, si dimidium  
totius cuiusdam album est, & alterū dimidium nigrū,  
sitne illud nigrum potius an album appellandum, incer-  
tum est. Captiosa autem argumenta, quæ ex eo vim ha-  
bere videntur, quod nō sit constitutū ac definitum, quid  
sit ratiocinatio, aut reprehensio, omnia ex omisā ali-  
qua definitionis parte oriuntur. Etenim reprehensio est  
contradiccio vnius & eiusdem non nominis, sed rei et no-

minis, et q[uod] adeo eiusdem nominis, ut non synonymum sit,  
sed idem ipsum: quae contradictione ex ijs, quae sunt posita,  
ita sequitur necessario, ut in sumpcionibus non sit acceptum  
illud, de quo instituta est disputatio, quae deniq[ue] ita fa-  
cta est, ut pars vtrah[ic] in eodem, ad idem, eodem modo, et eo  
dem tempore sumatur. Quae omnia quomodo reprehensi-  
oni conveniunt, eodem possunt errori omnino ac deceptio-  
ni conuenire. Quoniam ergo horum aliquid, quae in de-  
finitione posita sunt prætermittitur, idcirco fit, ut repre-  
hendere alterum videatur, qui tamen reuera non coar-  
guit: Ut duo ad unum sunt dupla, ad tria non sunt du-  
pla, est igitur aliquid duplū & non duplum: Item si unū  
cum uno collatum in longitudine superet illud duplo, in  
latitudine autem non duplo, videbitur idem facta etiā  
ad idem comparatione, duplum esse & non duplum: sed  
non in eadem certè rerumq[ue] dicitur. Postremò si fa-  
cta sit ad idē comparatio, cernaturq[ue] in eadem rerūq[ue]  
& eodem modo, ad idem autem tempus utrumq[ue] non per-  
tineat, erit etiam ex hoc loco ducta fallax & captiosa re-  
prehensio. Verum quae ducta est ex hoc loco reprehēsio,  
potest etiā pertinere ad aliquem ex ijs, quos in verbis esse  
diximus. Captiones autem, in quibus id ipsum accipitur  
in sumpcionibus, de quo est instituta disputatio, ysdem,  
& eodem modo sunt, quorū & quibus petitio principiū com-  
mittitur. Causa autem, cur speciem aliquam reprehensi-

onum habere nobis videantur, est quia discernere inter-  
dum non possumus, quid idem sit cum eo, quod à nobis  
ad disputandum propositum est, & quid diuersum. Fal-  
laces autem ex consequentibus reprehensiones inde vim  
habent, quòd retroverti consecutiones existimemus, quæ  
minimè retro cōmeant. Quia enim ex hoc illud necessariò  
sequitur, ideo vicissim ex illo hoc effici necessariò  
opinamur. Atque ex eodem hoc genere sunt falsæ illæ  
opiniones, quæ gignuntur ex sensuū perceptione. Quia  
enim mellis consequens est flauus color, inde fit, ut saepe  
fel promelle accipiatur: Et quoniam pluiae consequens  
est madeficerit terram, si madida sit terra pluie statim  
existimamus: quod tamen minimè necesse est. Pertinet  
etiam ad hoc genus illa fere oratorum argumenta, quæ  
ex signis ducuntur. Illi enim, ut probent adulterum esse  
aliquem, consequentia accipiunt: Ut, quòd accuratius  
comptus & omni genere ornatus sit, aut quòd oberrare  
noctu conspiciatur, quæ tamen multis insunt, quibus  
attributum illud non possit conuenire. Nec dissimilis  
est in ijs argumentis ratio, quibus hī vtuntur, qui syllogis-  
mis non signis differunt: Quale est illud Melissi, quo  
infinitam esse vniuersitatem hoc modo ostendere cona-  
tur: Uniuersitas est ingenita (nam ex nihilo nihil gi-  
gnitur) Quod autem genitū est, principium habet: Itaq;  
si ingenita est uniuersitas, omni principia careat necesse.

est: infinita igitur: Quæ profecto infirma est minimèq;  
necessaria conclusio. Nam vt verum sit omne, quod gene-  
ratum est, habere sua quædam principia, cur, quæso, vi-  
cissim id erit necessarium, ut omne, quod principium hæ-  
bet, genitum sit: Illud sanè nō magis necessariū quām  
hoc: Si quis habet febrem calet: ergo si quis calēt habet fe-  
brem. Sequitur locus, cum non causa tanquam causa  
accipitur: quò referendæ sunt omnes cæptiones, quæ ex  
eō nesciuntur, quòd in sumptionibus aliquid tale accipi-  
atur, quale potissimum videatur esse causa reprehensio-  
nis, cum reuerā ea non sit causa, cur ad extremum illud  
efficiatur, quod concluditur. Quod in ijs maximè ratio-  
cinationibus vñuenit, quæ aduersarium vrgent incom-  
modo. Semper enim quod huiusmodi ratiocinationibus  
refellitur, est vna ex sumptionibus. Si igitur præter ne-  
cessarias sumptiones ante conclusionem acceperis illud,  
vnde incommodum sequi debeat, illa sæpe videbitur esse  
causa, cur tu coarguas absurdā conclusionē aduersari-  
um, quæ non erit: Exempli causa, si probare velis, quòd  
idem non sint vita & anima, & hactu ratione vtaris. Si  
aduersatur omnino ortus interitui, & cūdam interitui  
aduersabitur quidam ortus: Est autem mors quæ vitæ  
est contraria, interitus quidam: Erit igitur vita ortus  
quidam, & viuere gigni asoriri, quod fieri omnino non  
potest: Quare verum illud non fuit, vitam & animam

idem esse. Hacten profectoratione non confecisti quod volebas: Nam ut illud nemo dicat, nil interesse inter animam & vitam, nihilominus idem illud incommodum sequitur: si illud modo admittat quispiam, cum mors interitus quidam sit, eam esse vita contrariam, interitum autem generationem. Ac huiusmodi quidem rationes non sunt ita vitiosae, ut nil omnino necessariò efficiant, sed cum necessariae conclusiones sint, ad illud modo conficiendum, quòd propositum est, infirmæ ac minimè necessariae dicuntur. Neque his captionibus respondentes modo falluntur, sed etiam qui contrà disputant, saepè numero in conclusiones huius generis incurvant, cum se optimè argumentari existimant. Arque illa quidem sufficiant de captionibus, quæcum ex consequentiū ex non causa ducuntur: Postremus locus superest, duas interrogations quasi unam accipere: quòrum referenda sunt captiones, cum non putat respondens multas esse interrogations, ob idq; quasi ad unam interrogationem simplicem dat respondētionem. Ac nonnullæ quidem interrogations sūt, quas facile videmus multas esse, ideoq; non esse ad illas simpliciter respondendum: Cuius genere est ista, Sitne terra mare, an cœlum? in alijs quibus dā non ita facile perspicitur: quas interrogations ijs, qui respondent, perinde quasi unum esset quod rogatum est, aut admittunt, quia nil habent, quod rectè ad interroga-

cum respondeant, aut coargui reprehendi que meritò vi-  
dentur: Exempli causa, Nunquid hic, & ille homo est?  
qui igitur hunc, & illum cedit, hominem verberat, non  
homines: Item illud, Positis quibusdam quorum partim  
bona sunt, partim mala: Suntne illa omnia bona an ma-  
la? Hic enim verumuis dixeris, vno modo habebit, qui cō-  
trà disputat, vnde te non ille quidem verè coarguat, sed  
videatur certè reprehendere, aut vnde eò te deducat, ut ab  
surdum aliquid dicere videare: nam in bonis aliquid nu-  
merare, quod minimè bonum est, aut contrà in nō bonis,  
quod bonum, absurdū est. Alio modo, hoc est, si alia quæ-  
dam præterea assumat, habebit vnde te vera reprehensi-  
one coarguat: Veluti si quis iam antè concessisset, eadē  
ratione vnum, & multa dici alba, nuda, cæca. Nam si  
cæcum id appellatur, quod cum in genere eorum sit, quæ  
videre possint, caret sensu oculorum, cæca illa dicentur,  
qua non vident, cum in genere tamen earum rerū sint,  
que oculorum sensu prædictæ esse possunt. Hic igitur si  
de duobus rogaueris, quorum vnum videat, alterum non  
videat, & aliis simpliciter respondeat, illud necessariò  
efficietur, utraq[ue] sensum oculorum habere, aut cæca esse,  
quod fieri omnino non potest. Aut igitur illa, & tot fal-  
laciū ratiocinationum, & reprehensionum genera sta-  
tuendasunt, quæ, & quot modo exposuimus, aut si mali-  
mus vnum quasi omnium principium constituere, reuo-

C i

canda sunt omnia ad ignorantem reprobationis. Nam posse omnes modos, quos paulo ante docuimus, referri ad definitionem reprobationis, potest his rationibus intelligi: Primùm si infirma est conclusio. Est enim hoc in definitione reprobationis positum, ut ex ijs, quæ posita sunt, conficiat id quod vult, atq[ue] ita conficiat, ut necessaria sit re ipsa conclusio, non tantum videatur. Deinde verò si singularas definitionis partes persequamur, idem illud planū fiet. Nam ex ijs captionibus, quæ sunt in verbis, nonnullæ ex eo ducuntur, quod dupliciter, non singulari significatione aliquid dicatur: ut quæ sunt ex homonymia, ambigua oratione, & dictionis forma. Solent enim ista omnia, quasi unum quidpiam significarent, ita usurpari. Reliquæ autem, ut quæ sunt à coniunctione, diuisione, & accentu, captionis inde originem habent, quod nō eadem semper oratio, aut nomen sumatur. At qui ut fiat reprobatio, aut omnino syllogismus, oportebat sicut eadem res est, ita eadem esse nomina, & orationes, atq[ue] ita eadem, ut si de tunica, verbi gratia, concludendum esset aliquid, non esset illud sub nomine vestis concludendum, sed sub eodem ipso nomine tunica: non quò illud in altero nomine non tam verum sit, quam in hoc: sed quia sub illo altero nomine adhuc non perfectum est necessariò, quod propositum erat: sed illa præterea interrogatio debet accedere, nōne idem unum valeat, atq[ue] alterum? si mo-

dò velisci, qui causam rogauerit, unde illud sequeretur,  
quod concludis, iustaratione satisfacere. Quod autem  
captiones, quæ ab accidente ducuntur, huc reuocari pos-  
sint, ex definitione ratiocinatiois statim fiet manifestū.  
Est enim eadem reprehensionis quæ syllogismi definitio,  
nisi quòd præter syllogismirationem adiungitur verbi  
illud, contradictionis: Reprehensio enim nil aliud, est,  
quam ratiocinatio, quæ ad conficiendam contradictionem  
pertinet. Si igitur quæ ex accidente captiones du-  
cuntur, syllogismi non sunt, nec reprehensiones profecto  
erunt. Neq; enim si ex illo antecedente efficitur hoc con-  
sequens, & hoc album sit, necessariò conficitur, ut etiam  
illud antecedens album sit: Sed nec illud necessariò con-  
cluditur, si triangulum habeat tres angulos pares duobus  
rectis, ei autem accidat, ut aut figura sit, aut primum,  
aut principium, ex ijs inquam non poterit necessariò se-  
qui, eandem illam proprietatem conuenire figura, pri-  
mo, aut principio: quandoquidem huius rei demōstratio  
non fiat de figura, aut primo, quia figura sit, aut primū,  
sed de triangulo hoc ipso quòd triangulum est. Quod idē  
in alijs eiusdem generis dicendum est. Quare si omnis  
reprehensio est ratiocinatio, nulla erit ex accidente captio,  
quæ possit reprehensionis nomine appellari. Verūtamen  
hoc maximè fallacium conclusionum genere falluntur,  
& coarguuntur ab imperitishominibus ij etiam, quivel

arte aliqua, vel omnino scientia quadam sunt praediti. Ducunt enim illi ab accidentibus argumenta, quæ contra sapientes obijciant: quæ quoniam docti alioqui homines discernere ac distinguere rectè interdū nō possunt: propterea ab illis interrogati aut concedunt, aut etiam quæ non admiserunt, ea se concessisse opinantur. Quæ verò ex eo ducuntur, quod simpliciter, & ex aliqua parte dicitur, in reprehensionis ignorantem eò incurruunt, quòd in ijs ad firmatio, & negatio in eadem re non accipiuntur. Nam ei, quod ex aliqua parte album est, id contradicit, quod nō est ex aliqua parte album: ei verò, quod omnino album est, id quod non est simpliciter album. Si igitur quod ex aliqua parte album esse dederit quispiā, ita aliis accipiat, quasi omnino album esse concessisset, eo modo nunquam illum verè reprehēdet: quòd autem reprehendere videatur, ex eo proficiscitur, quòd ignoratur, quid sit reprehensio. Iam autem apertissimè omniū ad hoc caput referuntur illæ captiones, quas supra, ex definitione reprehensionis, appellauimus: unde etiā factum est, ut illo nomine vocarentur. Causa enim cur illæ aliquā habeant speciem reprehensionis, in prætermissione aliquius partis definitionis posita est. Atq[ue] si distribuantur singula in partes, eo modo quo iam ad gressis sumus, communem esse omnibus captionibus hanc definitionis præmissionem facile perspicietur. Quòd verò huic etiam

renovetur captiones, quae oriuntur ex eo, quod illud ipsum, de quo instituta est disputatio assumitur, aut in quibus non causa pro causa ponitur, vel ex ijs, quae nominatim in definitione posita sunt perspici potest. Illud enim in definitione erat, ut conclusio necessaria sequeretur proper illa, quae ante posita esset: quod non sit in captionibus, quae non causam pro causa accipiunt. Item illud in definitione ponebatur, ut non inter sumptiones acciperetur id, quod fuit à principio propositum ad differendum: quod non observatur in captionibus quibus cōmittitur petitio, ut vocatur, principiū. Quae vero ex consequentibus ducuntur, quasi partes quedam in accidentiū captionibus cōtinentur: nam quod est alteri consequens, id in accidentium numero censetur. Illud tamen differt consequens ab accidente, quod in vnotantum cernitur tractatio accidentis, veluti flauum & melidemeſſe, aut albū & cygnū: consequentis autem vis & tractatio, non nisi in pluribus intelligi potest. Nam si quae sint, quae idem qd' vnum aliquid valent, ea etiam idē valere inter se postulamus: ex quo proficiscitur reprehēſio illa, quae ex cōsequēti appellatur. Illud verò pronuntiatum non est ex omni parte verum, ut, si non perse, sed fortuitò & per accidens album sit verumq;. In eo enim cygnus, & nix idem sunt, quod verumq; album sit. Aut si aliud exemplum malis, sumatur argumentatio Melissi, ubi ille accipit idem

esse, principium habere, et generatum esse; aut illa, in qua  
pro eodem accipiuntur, aequalia fieri, & eandem recipere magnitudinem. Quia enim quod factum est, principium habet, idcirco vult Melissus vicissim effici, ut  
quod principium habet, factum sit: Perinde quasi idem  
valeant ista duo, propterea quod principium habeat, quod  
generatum est, & quod est finitum. Quod idem in his, quae  
& aequalia fiunt, contingit. Nam si que vnam atque eandem  
magnitudinem accipiunt, aequalia fiunt, vicissim etiam  
quaeraria fiunt, vnam & eandem recipere magnitudi-  
nem postulatur: quo fit, ut, ex consequenti ducta sit hæc vi-  
tiosa conclusio. Quoniam ergo ad reprehensionis igno-  
rationem reducuntur captiones accidentis, profecto du-  
bium iam esse non potest, quine èo etiam referri possint,  
quæ ex consequentibus eruuntur. Sed illud certè, si mo-  
dò diligentius attendas, alia etiam ratione melius doce-  
ri potest. Relique sunt captiones, quæ ex eo nascuntur,  
quod multæ interrogaciones pro una accipiuntur: quæ  
in devim habent, quod à nobisvis & natura propositionis non satis explicatiè animocernitur, ac veluti in suas  
partes tribuitur. Estenim propositionis natura in eo po-  
sit, ut vnum de vno dicatur: nimirum quia non est alia  
definitio eius, quod vnu quidpiam huius generis est, quam  
ipsius omnino generis: ut vnius hominis eadè est quæ ho-  
minis definitio; et sic alia. Si igitur ea est vna proposicio,

quavnum de uno pronunciatur, erit profecto ipsius omni  
no propositionis natura in eo posita, ut sit talis aliqua in-  
terrogatio. Et quoniam ex propositionibus constat syllo-  
gismus, reprehensio autem syllogismus est, propterea ne-  
cessere est, ut etiam reprehensio ex propositionibus constet.  
Quapropter si eadem num proppositio est, in qua unum de  
uno pronunciatur, illud iam dubium esse non poterit, quin  
huiusmodi captiones ad ignorantem reprehensionis per-  
tineant: ut porro quae non propositiones, sed quae proposicio-  
nes modo esse evidentur, accipient. Ac si interrogatus  
quidem alius quasi ad unam interrogationem responde-  
at, vera hinc nascetur reprehensio: Si ille non ita respon-  
deat, sed videatur modo respondere, fallax non vera erit  
reprehensio. Quare omnes fallacium conclusionum mo-  
di in reprehensionis ignorantem incurruunt. Atque illi  
quidem, qui in verbis cernuntur, propterea hoc pertinet,  
quia non vera conradictio, quod tamen est reprehensionis  
maxime proprium, sed falsa modo species contradictionis in eis existat: reliqui autem aly propter definitio-  
ne ratione nati. Causa autem cur nos decipiunt captio-  
nes, in quibus inest aut nominis multiplicitas, aut oratio-  
nis ambiguitas, est quia distinguere non possumus ea,  
qua multis modis dicuntur. Nam huius generis sunt  
nonnulla, quorum multiplicatatem explicare non est fa-  
cile: cuiusmodi sunt, ens, unum, idem. In ijs vero, que ex

D

coniunctione, & diuisione oriuntur, erroris causa est, eò  
quòd nil putamus interesse inter coniunctam, et dictin-  
ctam orationem: sicut in plurimis nullus est discriminus.  
Nec multum absimilis est in ijs, quæ ex accentu eruun-  
tur, ratio: quia scilicet aut nusquam, aut certè in pluri-  
mis nil interesse inter contentum, & remissum verbum  
videatur. Quæ ex verbis specie ducuntur, propter quan-  
dam verborum interesse similitudinem, in errorem nos in-  
discunt. Difficile est enim discernere, quorum sit eadem  
ratio, & quorum diuersa. Nam qui hoc præstare potest,  
propè est, ut quid in quaq[ue] reverum sit, cognoscat: idemq[ue]  
scit, nos hac potissimum ratione sophistarum captioni-  
bus vinci, quia omne, quod alteri attribuitur, ita accipi-  
mus, quasi hoc aliquid, unamq[ue] numero naturam signi-  
ficet. Hac enim sunt, quæ substantiam, & id quod unius  
est, maximè consequuntur, significare hoc aliquid, et unam  
quandam numero naturam. Unde etiā sit, ut hic captio-  
nis modus inter eos numeretur, qui sunt in verbis. Primiū  
quòd per huiusmodi captionem in errorem potius indu-  
cimur, dum aliquid cum altero tractamus, quam cum  
animo eandē ipsam rem apud nos exagitamus. At qui  
verbis absoluitur omnis sermo, qui cum altero confertur;  
quod vero apud nos aciti cogitatione tractamus, non tā  
ad verba, quā ad rem ipsam pertinet. Deinde vero quando  
euenit quenquam hac captione falli, dū tacitus apud

serem exquirit, ex eo semper oritur error, quod ex verbis  
rem consideret. Postremo harum captionum omnis error  
ex similitudine nascitur: quae profecto similitudo nus-  
qua est nisi in verbo. Captiones autem ex accidente eò  
nos in errorem inducunt, quod dijudicare & distingue  
rectè non possumus, quae sine eadem, quæ diuersa: quæ  
vnum sint, quæ multa: quibus attributis conuenire opor-  
tet, quæ rei insunt, & quibus minimè. Quod idem in  
captionibus ex consequenti dicendum est: Quandoqui-  
dem consequens pars quedam accidentis est. His accedit  
quod, quoniam in multis verum esse videtur, si hoc est illius  
ita cōsequens, ut seorsū ab illo esse nō possit, & viciſſim  
illud ex hoc perpetua quadam coniunctione cōsequi: id-  
circo quasi reverā ac semper ita esset, suam argumenta-  
tionem tractant, qui his captionibus videntur. Fallimur  
autem captionibus, quæ ex omissa aliqua parte definitio-  
nis, quæq; ex eo quod aliquid omnino dicitur, & quadā  
ex parte oriuntur, eo nomine, quod res parum inter se  
distantes non rectè distinguimus. Nam quasi nil plus  
significet, esse quidpiam, aut quadā ex parte, quam esse  
omnino, aut verò esse quodammodo, aut hactantum tem-  
pore: ita in toto genere ac simpliciter concedimus. Nec  
diuersa est in ijs ratio, quæ aut illud ipsū, de quo est qua-  
stio, assumunt, aut non causam pro causa ponunt, aut  
vnam faciunt interrogacionem, quæ multæ sunt. Nam

Dij

in ijs etiam erroris causa est, paruum admodum rerum inter se discrimen: quia scilicet non satis subtilius et accuratè perspicimus propositionis, aut ratiocinationis definitionem ob eam, quam suprà diximus, causam. Quoniam autem ex quo, quibusq; locis ducuntur viciosar ratiocinationes, quæq; videntur modo, nec sunt, iam tenuimus: Illud quoq; simul confectum est, qui, & quo loci sunt, ex quibus eruuntur sophisticæ omnino ratiocinationes, & reprehensive. Ego verò sophisticas ratiocinationes, & reprehensive hoc loco ita accipio, ut non modo complectantur eas, quæ inani quadam & falsa specie veras ratiocinationes, aut reprehensive præ se ferunt: sed etiam eas, quæ reuerè sunt ratiocinationes, habent tamen falsam quandā hac ex parte speciem, qua ad eam rem, quam efficiunt, propriè accommodatae esse videntur, nec sunt tamen. Cuius generis sunt, quæ illud non præstāt, in quo potissimum munus pirastices, hoc est quæsificationis examinandi (quæ pars quadam est dialecticæ) possum est: quia scilicet non verè coarguunt aduersarium, nec manifestam faciunt eius imperitiam. Atq; illa quidem pirastice falsum aliquid suis argumentis non nunquam efficit: sed illud evenit propter imperitiā eius, qui in re, de qua agitur, tales potius rationes admittit. Sophisticæ autem reprehensive licet etiam necessariò concludant disparata, non tamen manifestò alteri-

us imperitiam coarguunt: Quin etiam eis, qui sciunt, re  
nebras offundunt. Sed quòd eadem via & ratione locos  
vtriusq[ue] generis reprehensionū complexi simus, hinc fiet  
manifestum. Nam quorū, quibusq[ue] de causis solet videri  
auditoribus ex ijs, quæ interrogatas sunt, bene ac necessaria  
riù rem confici: ijsdem, & tot respondentī idem illud vide  
ri consentaneum est. Ex illis igitur, quos exposuimus, lo  
cis aut omnibus, aut certè non nullis eruuntur falsæ ratio  
cinationes. Quod enim se nō interrogatus quispiam ad  
misisse existimat, idem profecto interrogatus non diuer  
sa erit sententia. Verum enim uero inter has ratiocinati  
ones nōnullæ sunt, in quibus simul ac interrogantur ea,  
quæ ad perfectam conclusionem deerant, confessim fal  
sitas appetit: cuius generis captiōes ferè sunt, quæ ex ver  
bis ducuntur, & quæ ad solœcismum perducere aduersa  
rium conantur. Si igitur paralogismi, quibus disparata  
concluduntur, omnes ad reprehensionem ita pertineant,  
ut eò peccent, quòd speciem modò inanem reprehensionū  
præferant, illud profecto negari non potest, quin falsæ  
ratiocinationes ex ijsdem, & tot locis ducantur, ex qui  
bus reprehensiones oriuntur, quæ fallaci specie veras imi  
tatur. At qui fallaces istæ & fucatae reprehensiones ex eo  
nascuntur, quòd aliquam partem ex ijs, quæ sunt in na  
tura verae reprehensionis prætermittunt. Ut enim quæq[ue]  
ex singulis partibus omittitur, ita fallax & fucata sit

reprehensio: Verbi gratia, quando id, quod concluditur, non sequitur ex ijs, qua antè posita sunt, oritur illa captio, quam maxime in argumenta cadere diximus, quæ ad incommodum ducunt. Quæ verò multas interrogations accipit pro vna, eò peccat, quod propositionis natura non rectè accipitur. Quæ ex accidente ducitur, et altera, quæ huius pars est, ex consequenti, hoc habent vity, quod pro eo, quod per se debeat esse, illa accipiunt. Peccant etiam illæ manifestò contra definitionem, quarum conclusio non ad rem eandem, sed ad verba tantùm eadem pertinet. Præterea aduersus id quod diximus, oportere contradictionem in toto genere, ac simpliciter accipi, & in re eadem, & ad idem, & eodem modo omnes captiones peccant, quæ id, quod ex parte modò aliqua dicitur, sumunt, aut huius generis aliquid, contra quam singulæ illæ particula significant. Denique in eam partem definitionis, non accepto eo inter sumptiones, quod à principio possum est in disputatione, incurruunt omnes, quibus petitio principij committitur. Quare ex quo, quibusque locis paralogismi eruantur, eadem hac via perspici poterit. Nam & ijs plures esse nequeunt, & in eos omnes, quos enumerauimus, incurrere possunt. Illud autem hic intelligendum est, saphisticam reprehensionem, & syllogismum non omnino, nec apud

omnes esse reprehensionem, aut syllogismum, sed apud hunc modò, vel illum. Ac si quidem ab eo, qui respondet, alius non accipiat, verbum multiplex vnam habere significationem: & quod simili forma verbi profertur, rem declarare, quæ sit hoc aliquid, vnumque numero, eodemque modo in alijs: illæ nullo modo aut reprehensiones, aut ratiocinationes erunt: hoc est, nec apud omnes, nec apud eum quidem, qui interrogatur. Sin, illud ab aduersario concessum habeat, erit illa quidem, quod attinet ad respondentem, reprehensio, & syllogismus: omnino autem, & apud omnes non erit: Quandoquidem non sumptum sit, id quod reuerà vnum significaret, sed quod videretur modò, & ab eo acceptum, qui talis, hoc est imperitus, esset. Nequeverò nobis hoc loco laborandum est, ut ex quorū, et quibus locis omnes veræ reprehensiones ducuntur, complectamur: quando illud sine omnium rerum scientia cognosci non possit. Nulla autem ars est, quæ hoc præstare vna queat. Sunt enim scientiæ propemodùm infinitæ. Unde etiam planum est, demonstrationes esse infinitas: quæ eadem veræ sunt reprehensiones. Nil enim demonstratione concluditur, quod idem reprehensione confici non possit, quæcum coarguas, qui contradictionis eam partem posuerit, quæ falsa est: Exempli causa, si quis dixerit, diametrum esse comparabilem cum latere, is coarguetur

demonstratio, quan non esse comparabilem diametrū ostenditur. Itaq; omnium rerum sc̄ientiam habeat necesse est, qui omnes omnium reprobationū locos sit animo cōprehensurus. Aliæ enim reprobationes ex geometriæ, aliæ ex medicina, aliæ ex aliarum cuiusq; generis scientiarum initijs, & conclusionibus, ducuntur. At vero falſæ etiam reprobationes non minus infinitæ sunt quam illæ: quandoquidem nulla sit ars, quæ suos nō habeat falſos syllogismos: Veluti in geometria geometrici, in medicina medici. Quod autem dixi in quaq; arte falſos esse syllogismos, sic accipirolo, ut eo rātum artis esse dicātur, quod principia accipiunt ipsius artis. Perspicuū igitur est, non esse nobis hoc loco explicādos omnes omnium reprobationum locos: sed eos modò ex quibus dialecticæ reprobationes eruuntur. Sunt enim illi cōmunes omnibus artibus & facultatibus. Ac debet quidem quisq; artifex omnes, quæ ad suā artem pertinēt, reprobationes considerare, siue sint illæ veræ reprobationes, siue speciē tantū hæbēat verarum: & quamobrē talis sit unaquæq; explicare. Qua vero ex cōmuni bus, quæq; nullius artis ppriæ sunt, cōstant, hæ dialectico sunt cōsiderādæ. Nā si locos teneamus, vnde ducūtur probabiles ad disputandū de quaq; resyllogismi, simul ex quibus reprobationes eruenda sint, intelligimus: cū præsertim nil sit aliud reprobatio, quā syllogismus contradictionis: ita ut cum sit reprobatione

sio, quando aut uno syllogismo, aut duobus disparata com-  
clusa sunt. Unde igitur omnes huiusmodi ex communis-  
bus factæ reprehensiones proficiuntur, ex superioribus  
libris intelligi potest: simulq; vnde istarū reprehensionum  
dissolutiones accipi possunt: quando eas soluere nil aliud  
sit, quām exceptione aliqua eas refellere. Ex ijs verò, quæ  
paulò ante dicta sunt, cognoscimus, quot, quibusq; ex lo-  
cis oriantur, non verae reprehensiones, sed quæ, non illæ  
quidem temere cuiuis, sed certis quibusdam hominibus  
esse videantur. Nam persequi omnes causas, quibus vide-  
ri possint quibuslibet hominibus reprehensiones, quæ nō  
sunt, infinitum est. Ex ijs ergo perspicuum est, dialectici  
esse, notatos habere omnes locos, vnde reprehensiones ex  
communibus constantes ducuntur, cuiuscunq; generis il-  
læ sint, hoc est, siue verae, siue in speciem tantum repre-  
hensionis sint: Itemq; siue dialecticæ reueræ sint, siue diale-  
cticæ tantum esse videantur: aut verò ex orationum ge-  
nere, quæ ad examinandam & excutiendam alterius  
eruditionem adhibentur. Non est vera illa argumento-  
rum distributio, qua viuntur aliqui dicentes, alia ad no-  
men, alia ad sententiam pertinere. Nam existimare di-  
uersa esse argumenta, quæ ad nomen, & quæ ad senten-  
tiā pertinent, ac non potius eadem esse, quæ vitroq; gene-  
re continentur, magna est amentia. Quid enim aliud  
est, non argumentari ad sententiam, quām non viceum,

qui se rectè putat interrogare aliquo vocabulo in ea si-  
gnificatione, in qua est concessū à respōdēte? Quid verò,  
nonne etiam hoc est de nomine cōtendere? Iam verò quid  
est conferre argumentum ad sententiam, nisi cum intel-  
lexeris, quod dixit respondens, ad id argumentum dirige-  
re? Quòd si plura significet aliquod verbum, putent au-  
tem, qui interrogat, & qui respondet, vno modo dici (velu-  
ti ens, & vnum multiplicia sunt: existimabant tamen,  
Zeno, qui interrogabat, & is quoqz, qui illi respondebat,  
vnò tantum modo dici: ex quo factum est à Zenone argu-  
mentum, quo omnia esse vnum concluderet) illam certè  
eandem argumentationem, siue ad nomen pertinere di-  
cas, siue ad sententiam eius, qui respondet, utroqz modo nō  
male dixeris. Si plura significare putent, non dubium  
est, quin ad sententiam illa nō possit pertinere. Primum  
igitur in ijs argumentis, quæ multiplicitatem aliquam  
babent, illud vsuuenit, ut quæ sunt ad nomen, eadem ad  
sententiam pertinere cernātur. Deinde verò nulla omni-  
no argumentatio est, in quā illud, esse ad sententiam, ca-  
dere nō possit: quandoquidem, esse ad sententiam et men-  
tem alterius, non sit in ipsa argumentatione positum,  
sed in eo, quòd respondens hoc, vel illo modo affectus est ad  
ea, quæ concessit. Tum verò nulla est contrà, cui non  
possit accidere, ut sit ad nomen: præse: tim cum hoc loco,  
esse ad nomen, idem valeat quod, non esse ad mentem al-

terius. Nam si non omnes illuc referri possint, erunt profecto aliquæ reprehensiones, quæ neq; ad nomen, neq; ad sententiam erunt. Illi autem altero horum generum omnes contineri dicunt: atq; ita diuidunt, ut omnis generis reprehensiones, aut ad verba, aut ad sententiam, pertinere faceantur. At qui ex ijs quidem syllogismis, in quibus quedam inest multiplicitas, non nulli sunt, qui ad nomē pertinet (nam ilud absurdum est, velle omnes captiones, quæ ex verbis ducuntur, pertinere ad nomen) sed illud certè negarietiam non potest, quin aliquæ sint in eodem illo genere captio& fallaces ratiocinationes, quæ non ex eo vim habent, quia sit hoc, vel illo modo affectus respondens, sed quoniam ipsa per se argumentatio continet aliquam interrogacionem, quæ multis modis dicatur. Iam verò illud omnino absurdum est, habere illos, qui sic diuidunt prius rationem reprehensionis, quam syllogismi, & de illa prius, quam de hoc differere. Cum enim reprehensio syllogismus quidam sit, necesse est, ut prius respiciamus, quid in syllogismo positum sit, quam quid in falsa reprehensione: que aliud nihil est, quam non vera, sed falsa & fucata ratiocinatio, adhibita ad concludendum disparata. Unde etiam sit, ut omnis captionis vitium, vel sit in syllogismo, vel in contradictione (nam ad syllogismū oportet contradictionem accedere, ut sit reprehensio) vel in veroj. Ut autem singulorum exempla subiçiam,

Eij

illa captio, qua concluditur, oratione proloqui, vitium habet, non in syllogismo, sed in contradicendo: illa vero qua, dare aliquem posse, quod non habet, conficitur, veroque modo vitiosa est: illa postremo qua efficitur, Homeris poematis esse figuram, quia circulus quidam sit, in syllogismo vitium habet. Quod si quaerit argumentatio, qua neutrino modo vitiosa sit, vera ratiocinatio censebitur. Sed ut eore deamus, unde ingressi sumus, illud hic rogo, an captiones, quae in disciplinis versantur, ad sententiam pertineant necne? Et si in ea quisquam opinione sit, ut triangulum putet esse verbum multiplex, isque interrogatus in alia significacione concedat, quam in qua de triangulo conclusum sit aliis, habere tres angulos pares duobus rectis, eritne illa ad mentem et sententiam alterius disputatio, an potius non erit? Præterea si multis modis dicatur verbum aliquod, eamque multiplicitatem nec intelligat aliis, nec ullam omnino esse suspicetur, hic, quæso, quoniam pacto ad mentem & sententiam alterius collata est disputatio? Aut quot tandem modo, ut sit ad sententiam disputatio, interrogare alius debet? nisi forte exhibita simul ambiguï distinctione interrogandum sit, ut sit huiusmodi, verbi gratia, interrogatio: sitne verum, oratione proloqui, an falsum: an potius uno modo verum, & altero falsum? At enim si nihilominus hic ita respondeas, ut nullo modo fieri illud possedicas, contraria autem aliis disputet, nunquid

erit ad sententiam tuam disputatum? At qui ad nomen etiam, quin huiusmodi argumentatio pertineat, negari non potest. Non est igitur vnum quoddam captionum genus ad mentem & sententiam pertinentium, sed illud modo verum est, non nullas esse, quae ad nomen sunt: nec huius generis omnes esse possunt, non dico quae verae sunt reprehensiones, sed ne illae quidem, quae falsa specie veras reprehensiones praese ferunt: quandoquidem multae sint captiones, quae ne ex verbis quidem ducuntur: quales sunt, quae ex accidente eruuntur, & aliae nonnullae. Quod si quis existimet oportere eum, qui interrogat, simul interrogando multiplicatatem verbi indicare, & distinguere hunc in modum: quum dico, οὐ γάλα proloqui, volo intelligas, posse hoc, vel illo modo accipi: illa quidem certè primum erit valde absurdum & iniqua postulatio, præsertim cum illud saepe vsuuenire videatur, ut qui interrogat, ne sciat omnino multis modis dici posse, quod rogat. Quod verò multiplex esse non putas, illud ut distinguas, fieri non potest. Deinde verò quid, quæso, hoc aliud erit, quam docere? Hoc enim modo res, ut est, illi explicatur & declaratur, qui nec animaduertit, nec scit, nec omnino suspicatur, posse id, de quo interrogatur, alio atq[ue] alio modo accipi. Nam quid vetat, quominus huiusmodi distinctio etiam in ijs argumentis locum habeat, in quibus nulla est ambiguitas? Exempli causa, nonne quatuor unitates

Sunt pares duobus binarijs, qui sunt in quaternario? ita tamen, ut diuerso modo in quatuor insint duo binary, & quatuor unitates. Itemq[ue] illa, estne contrariorum eadem scientia? sed ita tamen, ut alia sint cognita, alia incognita. Quapropter qui ista distinctione utendum esse censent, ignorare videntur, aliud esse docere, aliud disputare: & quod oporteat docentem non interrogar, sed manifestum facere id, de quo agitur: disputantem vero eum modo, quicum disputat, interrogare. Nam vero postulare, ut is, quicum disputatur, aut dicat, aut neget, non est docentis ac demonstrantis rem, sed eius, quic te probare ac veluti examinare velit. Est enim tentandi & examinandiratio, pars quædam dialecticæ: ob eamq[ue] causam tota in eo posita est, ut quid de quaq[ue] re sentiant, non illi, qui verè docti sunt, sed quirerum sibi arrogant cognitionem, cum sint illarum imperiti, obseruet atq[ue] exquirat. Atq[ue] ille quidem, qui non in speciem modo, sed reuerà communia peruestigat & exquirit, dialecticus est: qui vero id facere videtur, nec facit, sophista. Ac ratiocinationū quidem contentiosarum & sophisticarum unum genus est, quo omnes continentur: quæ, cum ex ijs rebus constent, in quibus versatur tentandi ratio, speciem habent syllogismorum, n[on] tamē necessariò concludunt, etiam si id verum sit, quod concluditur: Istarum enim vitiū est in verbo medio, in quovis consecutionis posita est. Alterum ge-

nus est eorum paralogismorum, qui, cum propriè ad aliquam artem accommodati esse videantur, ad certam tamen quandam artem reuerà non pertinent. Neq; enim illi, qui pseudographi appellantur (quandoquidem illi sunt paralogismi de aliquare facti, quæ cuiusdam artis propria sit) contentiosi sunt existimandi, ne si illi quidem pseudographi verū aliquid concludant: qualis erat Hippocratis ratio, qua circulum quadrare per lunulas conabatur. Sed erit certè contentiosa ratio, si talis sit, qualis erat Brysonis quadratura: qua quidē ratione tametsi quadratum circulo æquale dari concluderetur, tamen eo nomine sophistica est appellanda, quòd non propriè est ad illam rem accommodata. Quare quacunq; ratiocinatio accommodata ad rem videbitur, quæ non erit accommodata, etiā si necessariā habeat conclusionem, sophisticatamen et contentiosa erit appellanda: propterea quòd ea saltem ex parte, qua ad istam rem videtur accommodata, fallacem habet quandam speciem, per quā decipimur, ac veluti iniuria quadam afficimur. Quemadmodum enim inter certandum, quas aduersario facimus iniurias, speciem quandam æquitatis præse ferunt, Et tamen reuerà est iniqua certandiratio: sic in disputatione iniquum certamen est, ubi ad nimia contentionem res progreditur. Nam vt in certaminibus, qui quauis ratione victores esse volunt, nil non mouent, nil non aggredi

uncur: ita hic in disputatione idem faciunt, qui sunt supra modum litigiosi. Atque ex iis quidem, qui tantam adhibent contentionem, quicunq; sibi victoriam proponunt, illi sunt, qui propriè litigiosi, & contentionis amatores censentur. Quia verò gloriam, ex qua quæstum faciant, aucupantur, sophistæ. Etenim sophisticæ, quemadmodum suprà diximus, ratio quæstus faciendi ex sapientiæ simulatione. Quo fit, ut demonstrationes etiam, quæ specie quadam veras imitentur, potissimum expertant sophistæ. Et rationes quidem non sunt diversæ, quibus litigiosi homines, & quibus sophistæ utuntur, sed fine distinguuntur: & vna eademque probatio sophistica erit, & contentio sa: verum non eadem ratione. Nam quæ ad opinionem victoriae adhibetur, contentio sa est, quæ verò ad opinionem sapientiæ confertur, sophistica. Etenim sophisticæ est sapientia quadam simulata, non vera. Ferè autem contentio sa argumentationes eodem modo affectæ sunt ad dialecticas, quo modo pseudographi ad geometricas demonstrationes. Ut enim illæ sunt captio sa & conclusiones, quæ in ijsdem rebus cernuntur, in quibus versatur dialectica, ita pseudographi ijsdem de rebus fiunt, de quibus geometra suas facit demonstrationes. Verum huiusmodi quidem certè pseudographi non sunt contentiosi, quoniam ex principijs, & conclusionibus alicuius artis proprijs conficiuntur. Quæverò ex ijs rebus constant, in qui-

bus versatur dialectica, si quasi accommodata ad aliā rem demonstrationes accipiuntur, erunt contentioſæ: quemadmodum his exēplis perspici potest: illa ratio, qua per lunulas quadrari posse circulum demonstrabatur, non est contentioſa, Brysonis tantum ratio est contentioſa. Atq[ue] illa quidem prior ratio, cum ex proprijs geometriæ principijs conficiatur, ad nullam aliā artem, quām ad geometriam transferri potest: hac posterior apud eos etiam usurpari poterit, qui illius artis imperiti, omnino quid in quaq[ue] refieri possit, & quid non possit, ignorant, atq[ue] ita usurpari, ut ad singula, ad quæ adhibebitur, accommodata sit. Est etiā in hoc eodem genere ratio, qua Antiphon quadraturam circuli ostendere conabatur: Itemq[ue] si quis, adhibitaratione Zenonis, vellet ostendere, non esse bonum post cænam inambulare, non adferret propriam medicinæ rationem, quandoquidem illa sit cō munismaximè ratio. Si igitur eodem planè modo affertus est litigiosus homo ad dialecticum, quo ad geometrā is qui pseudographos facit, nō poterit profecto ex ijs, quæ propria sunt, cōstare cōtentioſa argumētatio: Nūc autē dialecticus nullum certū genus habet, in quo quasi insubiecto sibi proprio veretur: nec vlla in re demonstraciones adhibet: neq[ue] talis est artifex, qui omniū rerū cōſiderationē fuscipiat. Neq[ue] enim possūt res oēs subvnū genus cadere: nec si possent, vere illud dici posset, omniū ea-

dē esse principia. Unde etiā fit, ut nulla earū artiū, quae in tractanda certa quadam natura demonstrationibus vitur, per contando differat, & suas probations ex interrogatore accipiat. Cum enim non possit ex veraqz contradictionis parte accommodata ad rem docendam fieri ratiocinatio, non debet liberum esse, utramvis partem admittere. Dialectica autem percontatrix est, et totam vim habet ab interrogatione. At qui si demonstrationes in differendo adhiberet dialectica, illam certè oporteret, si non omnia, at certè prima pronunciata, & propria sua principia citravllam interrogationem accipere: alioqui si illa non admitteret aliis, nil iam supereffet, unde id euerteret, quod esset ab altero oppositum. Planè autem generis eiusdem est pirastice cum dialectica. Neqz enim h. extendi & examinandi ratio talis quedā ars est, qualis est geometria, sed cuius munus præstare etiam indoctus aliquis possit. Quid enim est, cur non possit, qui rei alicuius non habet scientiam, quasi tentandi causa cum eo disputare, qui etiam sit illius rei imperitus? Præsertim cum eò conferatur disputatio, ut non ex ijs constet quæ illi, qui doctus sit, perspecta sunt, quæqz sunt rei propriæ, sed ex consentaneis quibusdam, & consequentibus rei: quæ consequentia huiusmodi ferè sunt, ut tametsi illa lascias, nū tam envenet, te artem nescire: at si nescias, omnino artis cognitionem assequi non possis. Ex ijs ergo plaz

num est, pirasticē non esse scientiam, quæ in certo quo-  
dam genere subiecto versetur, ideoq; de omnibus disputa-  
tionem suscipere. Habent enim omnes scientiæ commu-  
nia quædam, quibus vntur: ob eamq; causam fit, ut om-  
nes homines, etiam idiotæ, quodam modo vntur arte  
dialectica, & pirastica: quandoquidem nemo sit, qui ad  
aliquem modū nō velit iudicium ferre de ijs qui aliquid  
proficentur. Porrò autem ipsa cōmunia omnibus sunt,  
& apud omnes eadē: quandoquidem nō sint illa minus  
idiotis cognita, quam alijs: etiam si minus apte, & citrā  
v'lam artem tractare illa videantur. Quo fit ut nemo sit,  
qui refellere & reprehendere argumentis alterum non co-  
netur. Omnes enim nulla arte adiuti, sed duce tantum  
natura illius sunt munera capaces: quod arte perfectum  
& ex politum, dialecticæ propriū est, illiusq; dialectici,  
qui adhibita diligenti differendi ratione, ad tentādum  
& examinandum alterum suas disputationes confert.  
Quoniam autem hæc cōmunia, sunt permulta, & tā latē  
diffusa, vt nusquā non reperiātur: quæ tamē nō sunt ta-  
lia, vt vnam quādā cōmune naturā faciant, & ad vnu  
genus reuocētur, sed vagasemp, & incertæ naturæ, peri-  
devt sunt negationes: præter hæc autē aliæ sunt, quæ nō  
vaga, sicut ista, sed ppriasunt: ex ijs pfecto planū est nul-  
lā effere, cuius disputationē ex talibus quibusdā susci-  
pere ac periclitari nō possimus. Illud quoq; perspicuum est,

F ij

quandam esse in earum rerum tractatione artem, quæ  
nil habeat simile cum scientijs demonstratiuis. Quā ob-  
rem cōtentionis studio si homines, multū dissimiles sunt  
ijs, qui pseudographos faciunt: ut qui non ex principijs,  
quæ alicuius generis propria sint, fallaces conclusiones  
efficiant, sed laie vagantes in omnirerum genere versen-  
tur. Ac modi quidem illi sunt, quos exposuimus, quibus  
sophistarum omnes reprehensive conficiuntur. Quod  
verò sit dialectici hac considerare omnia, quodq; istarū  
rerum facultate valere debeat, hinc perspici potest, quod  
quæ ars in propositionum hoc est cōmuniū locoru expli-  
catione versatur, eadem sibi vniuersam istam considera-  
tionem vendicat. Atque illa quidem sufficiat de repre-  
hensionibus fallacibus. Nunc de eo dicamus, quē secun-  
dum finem sophistæ appellauimus, quibus scilicet modis  
falsum aliquid sophistæ conficiant, & quaratione cō  
inducunt disputationem, ut incredibile aliquid & præ  
ter omnium opinionē sequi videatur. Ac prima quidē  
ratio, ex percontandi quodam certo genere sumitur, im-  
primisq; ad illud efficiendum valet ratio interrogandi.  
Qui enim ita aduersarium interrogat, quasi nulla cer-  
tare proposita, de qua differatur, nil pfecto aliud præter  
hoc inuestigant. Nam qui temerè respondent, et parū ac-  
curant, quid dicant, facilius labuntur. Cum verò nil vi-  
demus esse propositum, de quo suscepta sit disputation, tū

minus cogitare solemus, quid dicamus. Altera ratio est, quæ plurimum valet ad deducendum eò aduersariū, ut admirabile aliquid, aut falsum, admittere videatur: nē pecum multitudine interrogationum eū oneramus, etiā cum est aliquid propositum, de quo disputetur: simulq; postulamus, ut proferat, quid de singulis ipse sentiat: atque ita, siue aliquid ex ijs affirmet, siue neget, eò loci eū perducimus, ubi argumentorum nobiscopia suppetit. Verū enim uero hoc tempore minus huic rationi fallendi locus datur, quā olim: nimirūm quòd illud statim rogari sollet hoc tempore, quorsum hæc, & quid ad id, de quo instituta est disputatio, pertineant. Est autem cōsis locus ad eruendum tandem falsum aut incredibile aliquid, nullum à principio cōstituere propositum, de quo differatur, sed profiteri se discendi studio interrogare: dabit enim tandem occasionem argumentohuiusmodi dissimilata rei consideratio. Ut autem falsum tu aliquid tandem cōcludas, proprius est hic sophisticus locus, eò scilicet perducere aduersarium, ubi argumentorum tibi sit copia. Sed illud certè interdum recta, interdum vitiose fieri potest, quemadmodum nos suprà diximus. Iam verò ut admirable quippiā & contra omnium opinionem elicias ab aduersario, videndum est tibi, quam sectam philosophorū sequatur is, quicum disputas: ut illum interroges quippiam ex ijs quæ contra omnium opinionem dicunt his.

ius sectæ philosophi. Habent enim singula sectæ suas quasdam huiusmodi sententias. Est autem ad eam rem primū veluti elementū, ut singularum sectarū admirabiles sentētias inter propositiones accipias. Verū in prom ptu etiā est istarum captionū satis apta solutio, ut ad extre mū, ne ges ex tuis verbis sequi admirabilem illā con clusionem quā colligit aduersarius. Atq; hoc ipsum genus dissoluendi argumenti, non isto tantum loco accom modatum est, sed quicunq; disputando altercationes modō et contentiones sibi proponit, eodem isto modo conatur aduersarij rationes eludere. Alius locus est ex hominum voluntate, et sermonibus. Aliud enim ferè est tacitum hominum iudicium, aliud palām loquuntur: et sermo nes quidem sunt quām honestissimi, voluntas autem & tacitum animi iudicium, id semper spectat, quod maximè utile videtur. Veluti nemo ferè est, qui non ita lo quatur, longè præstautiorem esse mortem gloriosam, quam vitam voluptatibus affluentem, et melius esse, iuste per inopiam viuere, quam in magna opum copia turpiter: at nemo etiam est qui non sequatur contra ria. Ergo si defendat is, quicum disputas, quod homines potissimum sequuntur, & volunt, oppones contrā, vñitatas vulgo sententias. Si has vulgatas senten tias proferat, adferenda contra erunt, quæ interim ta citè homines volunt & sequuntur. Utrinq; enim vt ad-

mirabile aliquid efficiatur, necesse est: quandoquidem futurum est, ut contradicat respondens, aut per usualiter omnium sermone sententijs, aut tacito hominū iudicio. Alius locus est latissimè patens, per quem cogimus aduersarium dicere aliquid admirabile (id quod Callicles in Gorgia commemorat, quodq; omnes veteres captionum unicam ferè causam existimabant) ex ijs, quæ natura, & quæ leges sunt constituta. Naturam enim legi contra riam esse: & iustitiam quidem legi esse honestam, natura vero non honestam. Sic igitur oppugnandum est qui, quod naturæ, consentaneum sit, proferat, ut legem illi obijciamus: si legem teneat, contra quæ sunt ex natura proferenda erunt. Hic enim effugere non potest, quin utrinque admirabile aliquid dicat. Vocabant autem illi naturam, id quod in quaq; reverum est: legem vero quod in multitudinis opinione positum est. Unde perspicuum est, illius etatis homines idem quod, qui hodie sunt, fuisse conatos, ut respondentem aut reprehenderent, aut cogerent tandem aliquid dicere contra omnium opinionem. Porro autem interrogaciones quedam sunt sua sponte tales, quibus respondere non possis, quin utrinq; in partem dicas admirabile quippiam: cuiusmodi sunt hæc, Sit ne sapientibus potius parendum an patri, Si nine honesta potius facienda an quæ vilia sint, Utram optabilius iniuriam pati an facere.

Iam verò perducēdus est aduersarius ad ea, de quibus cōtraria est sapientum, ac multitudinis opinio. Ac si ille quidem cum sapiētibus sentiat, opponēda vulgi opinio: si in vulgus sequatur, quid sentiant sapientes contra adferēdū. Hi enim eos, qui beati sint, necessariō iustos esse existimant: at multitudini incredibile videtur, regē nō esse beatum. Verūm enim locus hic ab eo non est diuersus, qui ex legis & naturae repugnātia dictus est. Nihil enim aliud lex est, q̄ multitudinis opinio: sapientes verò quod in rei natura positū est, et veritatē sequuntur. Ac de locis quidē, ex quibus eruuntur paradoxā, hactenus. Sequitur, ut quomodo ad nugationē perducunt sophistæ, dicamus. Ac primū quidē, quid illud sit, qđ appellamus nugari, sup̄ diximus, modo exēpla subijciamus, quæ sūt huiusmodi. Si nihil referat nomen dicas an orationem: duplum ergo idem valet, quod simpli duplum. Si quādo igitur simpli duplū dicas, hoc dicas simpli simpli duplū: & si iterum pro hoc verbo duplū accipias simpli duplū, ter idem erit repetitum simpli simpli simpli duplum. Eodem etiam pertinet hæc captio, nunquid voluptatis est cupiditas? definitur autem hæc, appetitio voluptatis: est igitur cupiditas appetitio voluptatis voluptatis. Ceterū autem omnes istæ captiones, aut in ijs, quæ nō persuadantum genera, sed etiam perse ipsa ad aliquid dicuntur, cum interim vna eadē q̄ res sit, cum qua vtraque

comparantur. Veluti appetitio est alicuius appetitio, & cupiditas alicuius cupiditas: item ġ, duplum alicuius du-  
plum dicitur, & illud totum simpli duplum, alicuius eti-  
am dicitur: Aut verò in ijs, quæ cum ex genere eorū qua-  
cum altero conferuntur non sint, ita sunt affecta ad sub-  
statiā, omninoq; ad sua subiecta, quorum ipsa sunt aut  
habitus, aut affectiones, aut simile aliquid, ut in defini-  
tione, qua quid illa sunt explicatur, ipsa subiecta accipi-  
antur. Ut impar definitur numerus mediū habens. Ac  
enim semper in ipso impari inest numerus: cum igitur  
illud dicis, numerum dicis habentem medium numerum.  
Ethoc. Si similitas est nasi concavitas, si mū autem in-  
telligi non possit, quin nāsum simul intelligas, profecto  
cum illud dicis, nāsum nāsum concavum dicis. Porrò  
autem interdum videntur nugationem efficere ista cap-  
tiones, cum nil tale reuerā concludant: propterea quod  
prætermittitur ab eo, qui interrogat, necessaria ad eam  
rem interrogatio, nempe an duplum per se dictum signi-  
ficet aliquid an nihil: & si quid significet utrum idem  
quod coniunctum cum altero, an aliquid aliud: quia in  
quam ijs interrogationibus omissis statim ad conclusio-  
nem acceditur, propterea nil reuerā, sed in speciem tan-  
tum his captionibus conficitur: atque in eo captionis cau-  
sa est posita, quod idē verbū cū sit illud ipsum quod ora-  
tio, per se tamen vnum quippiam significat. Solæcismus

quid sit paulò ante dictum est: reliqua igitur dicamus.  
Sanus suenire potest, ut solæcismū facias, nec videare, et  
ut videare, cum non facias. Veluti si verum est quod Pro-  
tagoras dicebat masculini generis esse hæc verba μῆνις.  
Ἐπάληξ: is certè sententia illius solæcismum committit,  
qui dicit μῆνιψ εὐλογένω: at opinione aliorum non vide-  
tur committere: qui verò εὐλόγιοψ dicet, videbitur ille  
quidem in hoc vitium incidisse, reuera autem non in-  
cidit. Perspicuum igitur est artis sophisticæ partem  
aliquam ad illud conficiendum posse conferri: ob eam-  
que causam multæ sunt captiones, quibus videtur qua-  
si syllogismo concludi aliquis solæcismus, cum reue-  
rà nil tale necessariò conficiatur, non secus atque in  
reprehensionibus accidere solet. Ducuntur autem om-  
nes ferè fallaces conclusiones, quæ ad solæcismum per-  
tinent ex neutro articulo, hoc, & quando casus ali-  
quis nominis, nec masculinum genus, nec fæmini-  
num significat, sed quod est inter ista quoddam velis  
ti medium. Nam hic masculinum declarat, hæc fæmi-  
ninum, hoc autem propriam quidem habet significatio-  
nem, ut neutrū genus declaret, sed tamen saepe ad illud  
utrumq; genus transfertur: Ut ad istam interrogatio-  
nem quidest hoc? tria ista aptè respondeas, Calliope, li-  
gnū, Coriscus. Ac masculini quidem articuli & fæ-  
minini omnes casus sunt diuersi, neutrius autē partim

ijde, partim diuersi. Quo fit, ut s̄ a numero quod in nominatiuo neutri articuli concessum est, ad masculini accusatiuum id alius transferat, aut alia quadam simili ratione casum pro casu accipiat: fallax autem conclusio ex eo oritur, quèd articulus neutri multis casibus communis est. Interdum enim nominatiuum, interdum accusatiuum significat. At verò si istos casus dignoscere velis, verbum varie accipiendum est, ut cum nominatiuo, est, coniungas, cum accusatiuo, esse: veluti, est Hippo nicus, esse Hipponicum. Nec diuersa est in fæmininis nominibus ratio, & in omnibus quæ sub communi nomine τῷ σκευῷ a Græcis comprehensa (nos vasa appellemus) masculinorum, aut fæmininorum inflexionem habent: sola enim ea, quæ desinunt in, ou inflexionem sequuntur τῷ σκευῇ, hoc est neutri generis sunt, ut ξύλον χοινίον: quæ verò non habent illam terminationem, masculina sunt, aut fæminina, & illaten men non unquam traducūtur ad genus neutrū: & sub nomine, τῷ σκευῷ interrogantur: ut ἀρνὸς masculinum est κλίνη fæmininum: Itaque in ijs eodem modo quo in superioribus verbum, est, & esse, casuum inter se discrimina indicabit. Est etiam solæcismus non valde absurdis ijs reprehensionibus, quæ ex eoducuntur, quòd ut similia accipiuntur, quæ non sunt similia, aut si ita vocare malis, quæ ex simili verborum specie oriuntur.

Gij

Ut enim illæ captiones sunt in rebus quidam veluti solæcismi, ita hæ sunt in verbis veris solæcismi. Homo enim & albus, & verba sunt, & res. Ex ijsigitur, quæ dictasunt, planum est, si quando solæcismum velis concludere, ex illis casibus, quos exposuimus, sumēdū tibi esse argumētum. Ac de generibus quidem contētiosarum argumētationū, & partibus singulorū generū, & modis omnibus hactenus. Quoniam aut in collocatione eorū, quæ interrogantur non parum est momenti ut possis (quæ admodū de dialecticis disputationibus paulò ante diximus) calare conclusionē, propterea absoluta illa disputatione primum omnium de ijs, quæ ad dispositionem pertinent, agendum est. Ac primum ad reprehensionem plurimū valet, longitudo orationis: quandoquidem multa simul prouidere difficile est. Loci autem vnde amplificandarum argumentationum rationes de promes, ex superioribus sunt repetendi. Alter locus est, ut celeritatem in interrogando adhibeas. Nam qui aliquanto tardiores te festinantem sequi non possunt, minus prouidere possint quid dicant. Tum illud iuuat plurimum, ut aduersarium ad iram & altercationem prouoces. Qui enim sunt in perturbatione, minus sunt cauti ad omnia. Rationes autem quibus ad iracundiam impelles hæ sunt: si palam profitearis te iniquum alteri aduersarium, & si impudetiam maximā præteferas. Alius locus est, perturbate inter-

rogationes collocare, siue ad rem multas rationes adhibeas, siue in utramque partem argumenta adferas. Fit enim hac ratione, ut uno tempore des aduersario, aut multa, aut etiam contraria cogitanda. Atque, ut rem in pauca conferam, omnes loci, quos ad calandam conclusionem supra posuimus, sunt etiam ad disputationem contentio sam accommodati. Pertinet enim eo occultatio, ut lateas: latere autem vis, ut fallas. Quod autem attinet ad eos qui nil admittere solent, quod ad rem facere existiment, illa nobis aduersus eos cautione utendum est, ut aut per disparatum interrogemus, quasi contrariam partem velimus efficere, aut vero ex aequo utramque partem interroga do complectamur. Quando enim non vident huiusmodi homines quid potissimum tibi concedi velis, minus difficiles ac proterui sunt. Nam vero postquam aliud tibi singulatim totius alicuius generis partes interroganti, in singulis ita esse concessit, ut uniuersum genus ad extremum inductione colligas, non est ipsum totum genus interrogandum, sed eovt concessso utendum est. Ita enī ferè euenit, ut cum respondens se admisisse uniuersum genus putet, tum ita etiam auditoribus videatur: quia ad hoc meminerunt inductionis paulo ante factae, nec illas interrogaciones frustra fuisse existimant. Et si quando generi uniuerso nomen non est impositū, ipsa utendum est similitudine, prout cōmodum videbitur: nam saepe

similitudo obscurior est. Ad sumendam autem propositionem plurimū prodest, simul aduersa, ut illa quasi inter se conferantur, interrogare. Verbi gratia, si velis tibi concedi omnibus in rebus parentibus esse obtemperādū, hunc in modū interrogabis, Quid? putasne parentibus esse parendū in omnibus, an potius in oībus repugnādū? Aut vero si sāpius, parēdū esse, sumere ab aduersario ve lis, sic interrogandū: utrū multa sint parētibus concedē da an pauca. Hic enim multò potius (si modò parentibus obsequi necesse est) multa esse cōcedenda videbitur, quā pauca: præsertim cum rerū aduersarū compositio et collatio efficiat, ut res maiores & magnæ hominibus videantur, itemq; deteriores & meliores. Est porrò insignis & frequens, ut quis reprehensus videatur, sophistarum hac impostura, postquā nonnullas interrogations proposueris, licet ex ijs, nil possis necessariō confiscere, ita extreum argumentationis subjcere, ut illud non interro ges, sed in modum complexionis ita proferas, sicut fieri solet in veris ratiocinationibus, non igitur hoc & hoc. Est etiam hoc verè sophisticum, quando paradoxum aliquid accipis, ut gerer respondentem, ut quid sibi videatur prof erat, cum sit illud, quod à principio positum est in quæsti one, probabile: & hac forma interrogare, Utrum tibi vi detur? Necesse enim est, si talis sit interrogatio, ut ad conficiendam rem valeat, inde nasci aut reprehensionem.

aut admirabile aliquid & contra hominū opinionem.  
Nam si admittat, reprehensio sequitur: si neget, & sibi  
nō ita videridicat, incredibile aliquid dicere videbitur:  
at si non planè concedat, videri tamen sibi fateatur, si  
non verè connictus, aliquo certè modo reprehensus videbi-  
tur. Alius locus est, ut quod in disceptatione oratoria  
magno studio faciunt oratores, idem nos in reprehensio-  
nibus nostris facere contendamus: ut scilicet diligenter  
exquiramus, dicatne is, quicum disputamus, aliquid re-  
pugnans, aut ijs quæ à se dicta sunt, aut eorum senten-  
tiae quorum orationem & actiones maximè probet & se  
quatur: adde etiam an aduersetur opinioni eorū, qui re-  
uerā tales, hoc est sapientes sunt, aut vero qui non sint his  
iusmodi, similes tamē talibus sunt hominibus: postremò  
an contradicat, quam sentit hominum pars maxima,  
aut etiā quam omnes hoīes. Iam autē sicut respondentes  
solent se per numero cum urgentur, & vident se elabi vix  
posse, quin coarguantur, fingere nescio quam multipli-  
citatē, cuius distinctione euadant: ita etiā nobis inter-  
rogantibus eodem illo præsidio interdum vtendum erit,  
maximè aduersus eos, qui fortiter nobis resistunt: ita ut si  
quid vno modo verum sit, altero non verum, illo nos modo  
accepisse non hoc dicamus. Qualiter fecit Cleophon in  
Mandrobulo. Oportet etiam traducta disputatione  
ad alia, qua reliqua erant argumenta præcidere.

Quo in loco hæ erunt partes respondentis, ut si hoc præsentiat velle aduersariū, iam ante illi occurrat, & predicat, ne rem propositam deserat. Interdum etiam ad aliud sunt argumēta dirigenda, quam quod a principio positum est in quæstione: sed illud ita accipiendum est, si modo nil habeas, quod contra rem propositam obycere possis. Quo præsidio usus est Lycophron cū iussus esset laudare lyram. Quod vero attinet ad eos qui probari sibi aliquam propositionem, quā acceperis, postulant: quoniam æquum videtur, ut subiecta probatione illius reddas rationem, acceptis quibusdam rebus singulis, curius est, etiam si de toto genere concludi possit, in ipsis singularibus aduersariorum ita reprehēdere, ut quod affirmauerit negare, aut quod negauerit, dicere ostendamus, quam si uniuersum genus concluderemus, quale est illud, rerum aduersarum eadem est disciplina aut nō eadem. Neq; vero propositionis in modum interroganda est cōplexio: & quædam sunt, quæ ne interrogari quidem debent, sed ut perspicua & ab oībus recepta sumi. Ac de locis quidem unde eruuntur argumenta in contentiosis disputationibus, & de ratione interrogandi hactenus. Sequitur nunc ut de responsione agamus, & ut quomodo dissoluēdæ sint captiones, & ad quam potissimū rē conferēdā solutiones, & quem ad usum valeat huiusmodi captionū sophisticarum tractatio, doceamus. Ac primū quidem

veilis est duabus de causis ad philosophiā. Una est, quia cum maxima pars istarū captionum ex verbis ducatur, hoc nobis præstat earum consideratio, ut verborum ambiguitatē faciliter animaduertamus: & ut quæ sine ea, in quibus rerum similitudo cum nominum similitudine conueniat, quæq; illa in quibus verborum similitudinē res nō imitatur, intelligamus. Altera est, quia ad res p̄ nos ipsos animo tractandas veriasq; exquirendas plurimum valet. Nam qui facile ab altero captiosa ratione decipitur, neq; id percipit, idem si per se aliquid consideret, frequenter se ipse fallaci conclusione impediet. Est autem & tertia præter illas duas utilitas, ad gloriam cōsequendam: nē pe quòd hinc fiat, ut videare omnibus in rebus exercitatus, & nullius esse imperitus. Qui enim cum altero sermonem confert, eiusq; quicum disputat rationes aspernatur ac vituperat, cum vitium ipse indicare non possit, suspicionem is præbet, difficilem se & iniquum alteri non præstare propter veritatem, sed propter imperitiam. Quomodo autem respondens huiusmodica p̄tioibus occurvere debeat, minimo negotio p̄spici potest, si quidem omnes locos, unde fallaces conclusiones eruuntur, suprà rectè exposuimus, & si omnia cōmēta, omnes fraudes, quas in interrogando solent adhibere sophistæ, sat is explicatè docuimus. Neq; verò idem est sumpta aliqua captione, illius vim perspicere, & vitium ubi sit indi-

care, quod celeriter posse ei occurrere, quite interrogat.  
Saepē enim accidit, ut quod scimus, mutatis & trajectis  
verbis ignoremus. Porro quē admodum alijs in rebus om-  
nibus, celeritas & tarditas tota pendet ab exercitatione,  
ita plane in disputationibus vſiuenit. Unde efficitur, ut  
tamē si res nobis cognita sit, ſaepetamen quia defit medi-  
tatio exercitatioq; diſſerēdi, expedire nos in tpe, & vt de-  
cet, nō poſſimus. Sanè idē hic propemodum euenit, quod  
in mathematicorū descriptionibus. Sicut enim plerunq;  
in conficiendis demonstrationibus accidit, ut poſtquam  
diſſolutes eſt, & ad ſua principia reuocata, componere  
eam rursus non poſſimus: ita in reprehensionibus vſiue-  
nit, ut ſciamus quidem vnde ducatur captio, eam tamen  
in partes digerere non valeamus. Ac prium quidem  
ſicut probabiles nonnunquam rationes ad rem proban-  
dam potius quam vera adhibenda ſunt, ita in respondē-  
do, interdum ad opinionem potius quam ad veritatem  
conferendae nobis ſunt argumentorum diſſolutiones.  
Contentioſis enim cum hominibus, plane nobis pugnan-  
dum eſt, quaſi cum ijs, qui videantur modò coarguere, ac  
non verē coarguant. Nam cum iſtorum hominum ratio-  
nibus nullam tribuamus concludendi necessitatē, non  
debet profecto alio pertinere noſtra ſolutio, quam ut ne  
coiuinc coarguiq; videamur. Etenim ſi reprehensio eſt  
contradictio citravllā multiplicitatē, quæ neceſſario ex-

quibusdā sumptionibus efficitur: nulla certè necessitas est, cur te oporteat captionem ex multiplici nomine, aut erōne ambigua ductā, distinguere: quādoquidē nil pos- sit necessariō cōcludere. Sed hactantū rōne vētimur di- stinctione, quia speciē quandā cōclusionū, quæ ad cōuin- cēdū alterū valeant, huiusmodi captiones praeferant. Nobis igitur cauendū nō est ne coarguamur, sed ne vi- deamur reprehēdi: quādoquidē interrogations multipli- ces, & ambiguæ, & huius generis aliae captiones, verā re- prehensionē obscurāt, & sit netandē cōvictus aliquis, an non cōvictus, incertū reddūt. Quia enim hic licet ad ex- tremū facta conclusione dicere aduersario, non eum con- clusisse negationem, eius quod affirmaueras, sed in mul- tiplici aliquo nomine, aut ambigua oratione versari ar- gumentum illius, etiam si quām maximè fieri potuit, ad id ipsum, quod dixeras pertinuerit argumentatio: quia inquā id semper huiusmodi captionibus opponi potest, p- fecto necesse est, ut hac de causa semper incertū sit, repre- hensus sit necne is, qui cum disputatur. Nam verum di- cat necne qui illud dicit, intelligi planè non potest. Q. & si adhibita antē multiplicis verbi, aut ambiguæ oratio- nis distinctione, tum interrogaret, ad extremū nō dubi- um esset, quintu essem reprehensus: atq; etiam illud fie- ret, quod his quidem temporibus postulari minus solet, su- perioribus autē exigis edulō solebat, nempe ut respondens

Hij

ad interrogatum, aut etiam, aut non, & nil amplius respondebat. At his temporibus propter vitiosam, qua omnes ferè vuntur, interrogandi rationem, necesse est, ut qui respondet, aliquid amplius addant, quo vitium interrogatio corrigant. Nam si ipsi satis multiplicatatem interrogando distinguerent, necesse esset, ut aut etiam, aut non, responderetur. Porro autem si quis veram esse reprehensionem existimet, quae sub multiplici nomine aliquid concluditur, is nullam respondentem rationem relinquet, quare reprehensionem effugiat: cum præsertim in ijs etiam, quæ sub oculos subiecta sunt, necesse aliquando sit, quantum quidem ad nomen attinet, quod affirmaueris negare, & quod negaueris affirmare. Nam quod ijs captionibus dissoluendis & quasi emendandis, adferre solent aliqui, nil planè adiuuat. Aliunt enim non esse Coriscum musicum & non musicum, sed hunc quidem Coriscum, esse musicum, illum verò Coriscum, esse non musicum. Quasi verò non eadem sit oratio, siue hoc modo dicas, non adiecto articulo, Coriscum esse musicum, siue illo, hunc Coriscum esse musicum: quod illi tamen affirmare simul & negare coguntur. At non idem fortasse semper pars veraque significat, quando ne nomine quidem ex quo constant, Coriscus scilicet, idem semper significet. Quare ad hanc captionem eludendā, nil omnino illud habet momenti. Quod si quis vim captionis in

eo ponat, quod primū omnino Coriscum aduersarius diceret, deinde adiecto articulo, hunc Coriscum dixerit, is absurde faciet. Nam quid causæ est, cur id vni potius quam alteri conueniat? præsertim cum verius addiderit articulum, non minus procedat captio. At vero quoniam qui non distinxit ambiguitatem, efficit ut ad extremum auditoribus dubium sit, an sit cōuictus, an non: cum præsertim concessum sit, in medio cursu argumentationis, multiplex distinguere, si quod subsit, hinc profecto planum est culpaeum non carere, qui multiplicem interrogacionem simpliciter & citravllam distinctionem admittit. Hinc enim efficitur, si minus ipse reprehensus sit, at certè ut illius oratio pro conuicta & refutata habeatur. Fit autē plerunq; ut qui ambiguitatem perspiciant, eam tamē distinguere propterea minus curēt, quod frequenter huius generis interrogaciones, ab aduersario proponantur: nescilicet videantur se ad omnia molestos & iniquos aduersario præbere: aut certè quia non existimant ex eo posse captionem vim ullam accipere: Sæpe autem ad extremū nescio quid præter illorum opinionem occurrit. Itaq; quoniam ita licet, nūquam tardi aut negligentes esse debemus in distinguendo: quemadmodum paulo ante diximus. Quod si quæ multæ sunt interrogations non quasi una acciperentur, nūquam fallax & captiosaratiocinatio ex homonymia aut amphibolia na-

sceretur, sed aut vera semp: aut nulla omnino fieret rep̄hē  
sio. Quid enim interest, sub duobus nominibus diuersis  
hoc modo interroges, suntne Gallias, et Themistocles musi  
ci, an sub uno nomine rebus diuersis cōmuni? Nā si plura  
verbū significet, qui illud interroget, plura interroget,  
non vñū necesse est. Si igitur haud recte is facit, qui ad  
duas interrogations vñā poscit simplicē q̄, respōsionē, du  
biū pfecto esse nō pōt, quin ad ambiguā interrogatiōnē  
nunq̄ oporteat simplicē dare respōsionē: ne si verā quidē  
sit in omnibus significatis interrogatio, quē admodū ali  
qui existimant. Illud enim idem valet ac si interrogare  
tur, vtrum domi sint, an non sint Gallias, & Coriscus:  
qui siue ambo sint domi, siue non sint, non minus fiunt  
vtroq̄ modo plures propositiones. Neq; enim par est vñā  
propterea fieri interrogatiōnem, quod vtrunq; verum sit:  
quandoquidē vsuuenire possit, vt vel sexcentashuius ge  
neris interrogations coniungas, ad quas omnes verū sit  
dicere etiam aut non: veruntamen non est ad illas omnes  
una danda respōsio, quippe cum id aliud nihil sit, quā  
disputationis legestollere, & omnē differendi rationem  
euertere. At qui ista multa interrogations, perinde sūt,  
ac si multis rebus diuersis vnum nomen esset impositum.  
Ut igitur addua interrogations non est danda vna re  
spōsio, ita ad interrogatū ambiguū nūquam est sim  
pliciter dicendum aut etiam aut non. Nam quis eus fe

cerit, is dixerit quidem aliquid, at certè non responderit. In disputationibus tamen quodam modo id pbari solet, quia quid inde sequatur incertum sit. Quæ admodum igitur (quod etiam nos paulo ante diximus) reprehensiones quadā videtur, quæ nō sunt, ita solutiones nonnullæ erunt, quæ in speciem modò non etiam veræ solutiones erunt: quas scilicet diximus interdū potius adhibendas esse quā veras, in disputatione contentiosa, & cum occurrere volumus interrogatis multiplicibus. Porro autē in respondendo adhibenda nobis est hæc cautio, ut ad ea, quæ verā nobis esse videbuntur, dicamus, Esto. Sic enim fiet ut minimè nos cōuincere alius videatur. Quod si cogere nos velit admirabile aliquid dicere, tū maximè uti debemus verbo, videri. Hac enim ratione, fiet ut nec reprehēsio, nec admirabilis cōclusio cōfecta ēē videatur. Iā verò cī perspicuū illud sit, quomodo fiat petitio principij, tū oēs ita existimant, respondēti negandū esse quicquid proximè ad id accedit, de quo queritur, nec ullam ex eo genere interrogationē esse admittendam, quasi illo modo id ipsum de quo instituta est disputatio, petatur. Cū verò tale aliquid sibi cōcedi postulat aliis, quod incredibile quidē, aut falsum sit, ex re tamen proposita consequatur: tū idem illud esse cū eo, de quo agitur, dicendū est. Nam quæ necessariō ex re pposita consequuntur, pro ipso proposito sūt habēda. Præterea quādo genus vniuersum sub-

nomine proprio non est sumptum ab aduersario, sed sub similitudine, dicendū est, non recte eum accipere, quando nō ita sumit, quē admodum concessum est, nec quo modo interrogando sumebatur. Hinc enim plerūq; nascitur reprehensio. Quod si inde exclusus, illis cautionibus uti non possis, proximum est, ut recurras ad id, ut nō recte rē demonstrasse aduersarium contendas. In quo videntur est tibi definitione reprehensionis, quam posuimus, ut eam argumentis aduersary opponas. Ac si proprijs quidem nominibus et aperte interrogauerit, necesse est, ut aut simpliciter respondeas, aut adhibita distinctione. Quæ verò suppressis quibusdā verbis breuiter admittimus, qualia sunt quæ non aperte, sed truncatim & imperfecta locutione interrogantur, ea maximè dant reprehensioni occasionem: Exempli gratia. Nonne quod est Atheniensium, id est eorū possessio? certe: nec dissimilis est in alijs ratio? At enim nonne τῷ ζώῳ homo esse dicitur? certe: Est igitur homo animalium possessio. Sane hominem dicimus esse τῷ ζώῳ, quia sit animal, & Lysandrum τῷ λακεδαιμονίῳ, quia lacedæmonius sit. Planum igitur est non oportere, ubi obscurum est & inuolutum quod ab aduersario proponitur, simpliciter rem concedere. Quando verò sic sunt affecta duo inter se, ut uno posito alterū esse necesse sit, nec contraria, si hoc sit illud, esse oportet, vide dum est ei, qui respondeat, ut cum rogabitur, utrum eorum

esse putet, illud potius ponat quod minus late patet. Nā  
ex multis singulis difficultius est aliquid tandem necessa-  
ris concludere. Quod si ad aliquid probandum ex eo dis-  
cat argumentum, quod huic nihil sit contrariū, illi esse  
contrarium dicere debemus, sed nullum esse illi nomen  
impositum. Sunt autem ex ijs, quæ vulgo feruntur qua-  
dam, quæ si non concedas, falsum dicere videbere: alia  
verò, quæ ut non admittas, fallitamente nemo putabit,  
cuius generis sunt dubiae & in vtrāq; partem probabiles  
sententiae: nam sit mortal is an immortalis animantium  
anima, non est apud vulgus constitutum. In quibus igi-  
tur manifestum nō est, verum potius afferendū sit eorū,  
quæ alius interrogat, cuiusmodi sunt, quæ sententiæ ap-  
pellātur (nam & vera de singulis rebus opinione, & vni-  
uersæ negationes, ut diameter non est comparabilis cum  
latere, sententiarum nomine appellari solent) Et præte-  
reā quibus vera ex aequo pars vtrāq; esse videtur: in illis  
in quā verius q; generis interrogationibus, si respondendo  
ad usum nostrum verba interrogationum cōmutaueri-  
mus in alia, commentum nostrū minime apparebit: Nā  
quia incertū est, utrum verum sit, sophisticè nil agere vi-  
dehimur, & qui a verāq; in partē ex aequo probabile est,  
fallit nos nemo existimabit: at interim illa nostra verborū  
cōmutatio efficiet, ut reprehēdere nos nullo modo possit ad  
necessarius. Iā verò ut singula stū interrogationes præsense

ris, ita illæ tibi sunt ante uertedæ, & multo ante orationē refutādæ. Ista enī ratiōe aduersariū tuū maximè impec-  
dies, ne ad extremum quod vult efficiat. Quoniam autem  
illa est vera solutio, falsitatem syllogismi indicare, docen-  
do ex qua potissimum interrogacione pendeat falsa con-  
clusio. Fallaces autē syllogismi duobus modis dicuntur,  
uno si falsum aliquid conclusum est: altero si necessaria  
consecutio esse videatur, reuerā autem syllogismus nō sit.  
Hinc sanè perspicuū est præter illam, quam modo dixi  
solutionem, esse etiam alteram, quæ propriè accomodata  
est ad eos, qui speciem syllogismorum præse ferunt, cum  
reuerā nil necessariò concludant: quæ solutio est interro-  
gationum correctio, addocendum cur ex ijs nō sequatur,  
sed modò videatur sequi. Unde illud efficitur, captiōes,  
quarum non est vitiosus concludendi modus, soluendas  
esse negādo, in quibus vitiosa est cōclusio, in ijs distinctio-  
nem esse adhibendam. Rursus inter eas rationes, quarū  
est necessaria conclusio, aliæ sunt, quæ verā, aliæ quæ fal-  
sam habent complexionē. Atq[ue] illæ quidem, quibus fal-  
sa est cōclusio, dupliciter disoluī possunt, refutando sci-  
licet, ac negādo unam aut alteram sumptionum, & in-  
dicando talem, hoc est falsam esse conclusionem. Quæ  
verò propositiones modò falsashabent, non etiam conclusio-  
nem, hactantum ratione dissoluentur, si quā sumptio  
num falsam esse cōspicies, eam respuas, quippe cum vera

sit conclusio. Itaq; argumenta qui volet recte dissoluere,  
hoc primū spectabit, habeatne vim cōcludēdi necessariā,  
an minus necessariā: tum deinde utrum vera, an falsa sit  
complexio: idq; eò faciet, ut ea dissoluat vel distinguēdo,  
vel negando: & negādo quidem aut hoc, aut illo quo pau-  
lo ante diximus modo. Multum autem interest, utrum  
dissoluatur argumentū, cum tibi ab alio obijcitur, an cū  
per se nulloq; interrogante vis illius exquiritur. Nā sta-  
tim & in promptu occurre captioni difficile est: per otium  
autē, & cū datur tibi cogitandi spatum, facile. Repre-  
hensionum, quæ aut ex verbi multiplicitate, aut ex ora-  
tionis ambiguitate ducuntur, duo sunt genera. Unum  
earum, quæ in altera sumptionū eā habent ambigui-  
tatem, vnde oritur captio. Alterum earū, quibus in conclu-  
sione inest multiplicitas. Exēplica causa, captio, qua orationē  
proloqui, concluditur, ambiguam habet conclusionē:  
illa autem, quæ efficitur, eū qui sciat, nescire tamē, quæ  
est huiusmodi, Quod quisq; scit dicere aut facere, id ip-  
sum ille scit, atq; intelligit: at qui iste scit dicere, hoc est  
recitare carmina iambica: iste igitur intelligit scitq;  
iambica: illa inquam captio habet in altera sumptionū  
ambiguitatem. Ac duplex quidem verbum in ijs captio-  
nibus interdum inest reuera ac per se, interdum verò nō  
est reuera duplex, sed ipsa modo oratio est, quæ dupliciter  
accipi potest, & partim vera, partim falsa est. In quibus

igitur est in conclusione multiplicitas, in ijs nulla omnino est reprehensio, nisi iam antè qui interrogat ab aduersario acceperit contradicentem eius, quam concludit. Veluti in ea captione, quacācū videre cōcluditur, quid quæso nisi contrarium huius dixerit respondens. cōcludi possit, quod ad reprehēsionē valeat? Quæverò ambiguas habent interrogaciones, in ijs non necesse est ipsius multiplicis disparatum antè acceptum esse: quandoquidem non ad multiplex efficiendum pertineat argumentatio, sed ex ipso multiplici ducitur. Est igitur iā inde à principio multiplici, aut nomini, aut orationi ita occurredū, ut partim id verum esse quod interrogatur, partim falsū respondeamus: Veluti oryōrtae proloqui, uno quidem modo sumptū, verum est, altero non verum. Itemq; id faciē dum esse, quod facere oportet, una significatione verum est, altera falsum. Oportere enim multiplex est. Quod si id nos à principiō latuerit, hæc nobis ratio erit reliqua, ut ad extremum argumentationis, conclusiōi ab aduersario factæ præter simplicem responſionem, aliquid addamus, quo vitium captionis indicemus. Verbi gratia, concludit aduersarius: Accidit igitur oryōrta proloqui, tu cōtrā dici: to, accidit verò, tā oryōrta proloqui, sed tāudie oryōrta nō accidit. Quod idē erit in ijs faciēdū, quæ multiplicitatē habet in sumptionibus. Exempli causa, cū ad extremum concludetur, non igitur intelligimus quod

scimus: certè, respondebis: verū tamen nō conclusisti, quæ nos hoc modo scimus, eo nos non intelligere. Neque enim idem valet dicere, non intelligere omnino sciētem, quod intelligere eum qui hoc modo scit. Utq; ego vnam quan-  
dam generalē rationē eludendi istas captiones subij-  
ciam, illud semper nos contendere debemus, etiam si reue-  
rà concluserit aduersarius, quod oportuit, illum tamen  
noneam rem, quam asserimus, sed verba modo refutasse.  
Ex his vero, quæ modo exposuimus, iam prope modum per-  
spicuum est, quæ sit ratio soluendarum captionum, quæ  
ex coniunctione & distinctione ducuntur. Cum enim ali-  
ud coniuncta aliud distincta ratio significet, ad extremo  
quando vnum concludet aduersarius, contrariū tibi erit  
subiiciendum. Sunt autem omnes istæ captiones ex cōpo-  
sitione & distinctione. Nunquid quo tu illum percussū  
vidisti, eo ille percussus est? Et nūquid quo is percussus est,  
id ipsum tu vidisti? Atq; istæ quidem captiones habent  
nescio quid ambiguitatis, sed tamen ad locum ex cōiun-  
ctione referendæ sunt. Neq; enī duplex appellari potest,  
quod modo coniunctam modo diuisam habet sententiam:  
quandoquidem oratio nō maneat eadem, cum distincta  
accipitur, quæ antè erat coniuncta. Nisi forte dicamus  
œ̄ & œ̄, cū sic accentibus distincta pferuntur, ad  
huc retinere multiplicatatem: quæ tamen, quod attinet  
ad scripturam, sunt vnum idemq; vocabulum, cum &

elementis eisdem, & eodem modo scribantur: cæterū nō  
tæ accentuum illic appositæ efficiunt, ne cum pronūciā  
ture ad eam sint. Quocirca multiplex oratio non erit, quæ  
modò cōiunctim, modò diuīsim accipi potest. Unde etiā  
planum est, non verum esse, quod aliqui voluerunt, omnes  
reprehensiones pertinere posse ad locū ex multiplici. Est  
igitur ad soluēdas istas captiones respondēti adhibenda  
distinctio, nō idē scilicet valere si dicas vidisse te oculis, p-  
cussum: ac si dices vidisse te, oculis percussum. Quod  
idem in captione Euthydemī faciendum: quæ est huius  
modi, nūquid triremes, quæ in Piræo sunt, nūc scis, cū  
in Sicilia sis? Itemq; in hac, putasne malum sutorē bo-  
num esse? at qui fieri potest, vt quis malus sit, & bonus su-  
tor sit: quidā igitur sutor bonus erit. Item in hac. Non-  
ne quorum bonæ sunt scientiæ easunt bona μαθητα:   
malorū aut̄ bonæ sunt sciētiæ: mala igitur sunt bona μα-  
θητα: at qui mala & μαθητα sunt, et sunt mala: qua-  
re necesse est, vt sint mala μαθητα. Et putas neverum  
esse dicere modò te natum esse? tu igitur modò natus es.  
An aliud cōiuncta, aliud distincta significat hæc ora-  
tio? Certe: Verum enim est nunc, te natum esse: sed fal-  
sum est te nūc natum esse. Quæ tu facere potes, & vt i po-  
tes, ea non netu & eo modo reddere effecta possis? tu verò  
non pulsans citharam, pulsare illam potes: tu igitur hoc  
efficere poteris, vt nō pulsans citharā pulse stamen. Ac-

enim quod posse se alius dicit, non sic accipiendum est, quasi non pulsans possit pulsare, sed quasi possit, cum de sinet unum facere, alterum statim effectum reddere. Porro autem aliter hanc captionem dissoluere aliqui conatur, dicentes, quanquam id concessum sit, posse me quomodo possum aliquid, e modo illud effectum reddere, non tamē recte concludi, posse me non pulsando citharam pulsare: quia non sit concessum, omni modo quo possum, sed incertè quomodo possum, ita me facturum: nunc autem certum est, idem non valere, quomodo possum, ita faciam, & quocunq; modo possum, illo omni modo faciam. Verum quā illi male soluant, hinc potest facile intelligi, quod cū necesse sit omnes captiones ex eodem loco ductas uno eodem modo dissolui, ista dissolutio non possit ad omnes huius generis accommodari: quinetiam illo modo occurri non possit omnibus, qui eandem istam captionem alio quouis modo proponerent: sed ad eum modum, qui ita proponit hanc captionem, non etiam ad ipsam argumentationem, est accommodata hæc solutio. Ab accentu captiones nullæ sunt, nec in scripto, nec in voce, aut certe admodum paucæ sunt: qualis est ista. Nonne & habitas, domus est? certe. at nonne illud, & habitas, est negatio huius verbi, habitas? dixisti autem, & habitas domum esse: domus igitur negatio quedam est. Quæ captio quomodo sit dissoluenda non est difficile videre. Non enim idem significat illud ut uno

acuto prolatū ō. & circumflexo ō. Nosse etiā rationē occurrē dicaptionibus, quae ducūtur ex eo, quod verborū specie falsi pro iſdem accipimus, quae non sunt eadem, non est difficile, quando genera categoriarū quot & quae sint intelligimus. Nam quod iſte interrogatus negauit in verbo, quid est substantiamq; significante, id alius ut affirmet, traducit ad id, quod in genere quantorum continetur, aut eorum, quae ad aliquid dicuntur, quae tamē si formam verborum species, speciem quandam præseferunt eorum, quae quid, hoc est substantiam significant. Veluti in hac captione: Putásne fieri posse, vt tu eādem rem simul facias, & feceris? At videre tu idem potes & vidiſſe, idq; eadem ratione. Et illa. Putásne fieri posse, vt aliquid sit actio & passio? Quid vero, nunquid secari, cremari, operari genere dicendi conueniunt, & pati omnia significant? Illa verò dicere, currere, videre, nūquid eodem modo dicuntur? At qui videre est operari: quare pati significat: quod tutamen idem actionem significare dixisti. Quòd si quis fieri non posse dixerit, vt idem simul facias et feceris, idq; postea admittat posse euenire, vt idem videas & videris, nondū erit hanc ratione reprehensus, modò nō dixerit, videre, actionem significare, sed potius pati. Nam vt reprehensio fieret id quoq; fuit præter illa interrogandū. Illud tamen videtur auditoribus iam esse cōcessum, quia admissū est, secare, esse agere, & secu-

isse, egiſſe, & huius generis alia, quæ genere dicendi illis  
ſunt ſimilia. Nam quod deest argumento, ipſe per ſe au-  
ditor ſuppiet: quaſi dicēdi genere hoc nō differat ab illis.  
Reuerā autem haec eodem genere dicendi non continen-  
tur, ſed propter verbi ſimilitudinem ita ſecus quām eſt vi-  
deatur. Atq[ue] ita in ijs captionibus idem vſiuuenit, quod in  
ijs, quæ ducuntur ex homonymia: in quibus ſi quiſ verbo-  
rum vim ignorat, putat respondentem nō modō in nomi-  
ne, ſed etiam in re eadem, quod affirmauerat, negare: cū  
tamenei qui contra diſputat neceſſe fit, ut aduersarium  
coarguat, interrogare præterea, an eadem ſemper ſigni-  
ficatione accipiat, quod dicit: quo certè confeſſo vera ſe-  
quitur reprehensio. Sunt autem & quæ ſequuntur cap-  
tiones ſuperioribus ſimiles ex eodemq[ue] loco ductæ. Si quiſ  
quod habuit iam non habet, nonne illud amifit? At enī  
quivnum modō ex decem calculis amifit, iam non habet  
decem calculos. An verū eſt eum amififfe, qui nō habet,  
quod habuit, ilud autem non verum, ſi tantū nō habet,  
quantū prius, aut tot, quoꝝ antè habuit, propterea tantū  
aut tot amififfe? Ergo quod primum in ſubſtātia inter-  
rogauerat, id tranſfert in coclusione ad numerum: decē  
enīm non ſubſtantiam, ſed numerum ſignificant. Quòd  
ſi initio ita interrogasset, Si quiſ modē non habet tot cal-  
culos, quoꝝ antè habuit, nonne tot omnino amifit, quoꝝ ha-  
buit? nemo id confeſſiſſet, ſed dixiſſet, vel ex ijs aliquot

K.

vel illa omnia amisiſſe. Huius quoque generis eſt captio, qua cōcluditur dare aliquē quod nō habet: quia cum nō habeat vnum ſolum calculum vnum ſolū det alteri. At qui hoc non eſt dare quod non habes, ſed quatenus tu vnu ſolum non habes. Nam hoc verbum ſolum nō ſubſtantia aut qualitatem aut quantitatem ſignificat, ſed in comparatione ad alterum cernitur, ut ſignificet nō habere te illud cum alio. Habet igitur illa captio eandem vim ac ſi quiſpiam ita interrogaret, nunquid dare quiſpiam po- reſt quod nō habet? idq; negante altero, ſubyceret. Quid vero nunquid dare cito po- reſt, quod cito non habuit? quo ab aduersario cōceſſo, cōcluderet, po- reſt igitur dare quiſpiam quod non habet. Nam quid apertius eſt quam eū qui ita ſit argumentatus nil neceſſario confeſſiſſe? Ete- nim cito dare nō eſt quippiam dare ſed hoc modo. Illud vero nemo negauerit fieri poſſe, ut alio modo deſquippiā quam habeas: veluti quod cum voluptate habes, id a gre- & cum moleſtia dederis. Ad hunc eundem locum iſtæ quoq; ſuperioribus per ſimiles captiones pertinent. Po- reſtne aliquis ferire alterum manu quam nō habet? aut videre oculo quem non habet? Neq; enim vnum tantum oculū habet. Huiusmodi autem captionibus ita occurruunt qui- dam, ut eum dicant vnum modo aut oculum, aut aliud quid uis habere, qui plura habet. Alij vero dicunt id ip- ſum omnino hunc accipere, quod alijs dat, quippe cum

vnum modo det iste calculum, alijsq; nō plus quam vnuū ab altero accipiat. Alij item aiunt fieri posse, ut quis id habeat quod non accepit. Veluti si quis dulce vinum accipiat, eo inter accipiendum corrupto, acetum quod non accepit habere. At illi quidem certe omnes illo modo captionem non dissoluunt, sed (quod etiam paulo ante diximus) homini non argumento occurruunt. Nā si effet hæc vera solutio, qui cōterarium eius quod illi volunt faceret, non posset omnino istas captiones (quod idem profecto in alijs omnibus vnuuenit) dissoluere. Ut si vera solutio est in distinctione multiplicis, dicendo in una quidem significacione verum esse, in altera non verum, quicunq; simpli citer dici concesserit, is necessario conuincetur, eritq; id necessario confessum quod voluit aduersarius. Sin qui hoc fecerit non conuincatur necessaria conclusione, nō erat profecto vera illa solutio. At qui in ijs de quibus agitur captionibus, concessis omnibus contra quām illi volunt, nil necessario concluditur. Præter illas autem, quas ppo suimus, istæ etiā quas modo subhyciam, ex eodem loco ducentur. Nonne quod scriptū est id scripsit aliquis? scripta autem est hæc oratio, quæ te ait sedere, nunc falsa, quæ tamen erat vera quando scribebatur: Ergo simul & vera & falsa scribebatur. Etenim veram aut falsam dicere orationem aut opinionem nō hoc, id est substantiam, sed tale aliquid id est qualitatem declarat. Dixi autem op-

Kij

nionem, quia eadem est ratio illius, atq; orationis. Ad  
hoc etiam genus ista pertinent. Nonne quod quisq; dis-  
cit, illud verum est esse quod discit? discit autem quispiā  
celerius, quod tardius est. Hic enim non assumptum est,  
quod discit quispiā sed quo modo discit. Item ista: Quod  
quisq; perambulat, nonne id pedibus calcat? perambulat  
autem aliquis totum diem. Perfecto hic non assūptum  
est, quod quis perambulat, sed tempus in quo ambulat.  
Item q; cum calicem bibisse alterum dicimus, hoc ipsum  
quod bibit, non dicimus, sed unde bibit. Est etiam in hoc  
genere ista, nonne quod scit quisq;, id aut ab altero didi-  
cit, aut ipse perse inuenit? At duobus sumptis, quorum  
vnum didiceris, alterum inueneris, in illa ambo neutrum  
eorum cadere potest. Nam quod singulatim sumptis re-  
bus prius interrogabatur, id paulo post coniunctis simul  
multis accipitur. Illa etiam, qua ostenditur esse aliquem  
tertium hominē, prater ideam, & prater singulos homi-  
nes: Homo enim & omne vniuersale, non hoc aliquid,  
sed tale aliquid, aut comparationem quādam ad aliud,  
aut affectionem quandam & modum, aut aliud huius  
generis significat. Eadē autem est huius ratio atq; illius,  
qua queritur, an Coriscus & Goriscus musicus idē sint,  
an verò diuersi. Nam ille hoc aliquid, hic quale aliquid  
significat: Itaq; non est eadem vnius atq; alterius exposi-  
tio. Neque verò ab expositione vim habet ista captio, qua

esse aliquem tertium hominē concluditur: sed ex eo quid  
cōceditur, esse id ipsum quod illud, idem valere, quod esse  
hoc aliquid. Neq; enim esse id ipsū quod Gallias, aut id  
ipsum quod homo, idem semper significabit, quod esse hoc  
aliquid. Quod si in exponendo dicas, nō significari hoc  
esse id ipsum quod illud, sed potius esse et ale quippiam, om-  
nino n̄l intererit: quādoquidem vt hoc dixeris, nihilomi-  
nus relinquatur vniuersale quoddam, non illud quidem  
separatum, sed in singulis rebus cohærēs, quale est homo.  
Perspicuum igitur est non esse admittēdum, verba quæ  
de multis dicuntur hoc aliquid significare, sed aut quan-  
tum, aut quale, aut relatum quippiam, aut aliud quid-  
uis huius generis. Omnibus autē captionibus, quæ in ver-  
bo sunt (vt rem semel complectar) hoc commune est, vt per  
cōtrarium eius, vnde dicitur captio, semper dissoluātur:  
Verbi gratia, si ex cōiunctiōe captio existat, dissoluetur  
per diuisionem: sin ex distinctione, per coniunctionem.  
Rursum si in accentu acuto posita sit captio, per grauem  
dissoluitur: sin ex graui orta sit, per acutū. Si verò multi-  
plex nomeneam effecerit, ita dissoluetur, si contrarium  
illius nominis, quod cōcludit alius, ponas: veluti si ita eue-  
niat, vt tu interrogatus, de animato dixeris, ille cōtrā ne-  
gationem concludere conetur: tibi ad extremum dicen-  
dū erit de animato te intellexisse. Sin dederis esse inani-  
matum aliquid, contrā autem ille animatum aliquid

concludat, tibi dicendum erit, in re inanimata te intelle  
xisse. Eademque est ratio in amphibolia.

Si autem ducta sit ex verborum simili forma, a cōtra  
rio petenda est solutio. Veluti ad illā captionem, nonne  
dare quispiam potest quod non habet, dicendum est, non  
dare quidem eum quod non habet, sed alio modo quā ha-  
bet: nempe quia non habet vñ solum calculum. Ad istā  
quoq; nunquid quod scit quisq; id didicit, aut per se ipse  
excogitauit? respondendum est, verum quidem esse quod  
scit horū altero modo id accepisse: sed nō esse necesse, mul-  
tis simul iunctis, quæ scit, ea altero modo assentū fuisse.  
Huic quoq; nō ne quod perambulas id pedibus calcas? sic  
occurrēdum, id quidem quod perambulo me calcare, sed  
non tempus quo perambulo, & sic alia. Captiones autem  
accidentis, omnes vñ narratione dissolui possunt. Quia enī  
incertū est quando rei attribuenda sunt quæ accidenti-  
bus conueniunt, atq; illud quidem in quibusdam verum  
videtur: idq; ita fieri interdum necessarium esse aiūt, in  
alijs vero negant id esse necessarium: illud profecto nobis  
statuendum est, atq; ita debemus aduersus huius generis  
omnes captiones esse confirmati, vt omnino illas ullam ha-  
bere necessitatē negemus. In quo videndum est, vt para-  
tam nos semper habeamus aperte captiosam ex hoc gene-  
re conclusionem, cui similem esse dicamus eam, quam ad-  
fert aduersarius. Sunt autem ex accidente omnes quæ se-

quoniam captiones, scis ne quid ego terrogatus sum? Non  
sunt eum qui huc ad nos venit, aut eum qui hic absconsus  
est? Est ne haec statua opus tuum, aut hic canistruus pater?  
nunquid haud multoties pauca, sunt pauca? Per spicuum  
enim est in iis omnibus non esse necesse ut eadem quae acci-  
dentiis conueniunt, rebus subiectis attribuantur. Nam  
in iis solis quae natura & substantia non differunt, sed  
vnum quippiam sunt, id vnuenit, ut quae vni attribuun-  
tur eadem alteri omnia conueniant. Iam autem non idem  
est bonum esse bonum, & esse id quod ego te volo interro-  
gare: neq; idem valet venientem aut absconsum, effevenien-  
tem aut absconsum, atq; esse Coriscum. Itaq; non recte  
efficitur si Coriscum nouerim aduenientem autem non nouerit,  
eundem me nosse & non nosse. Neq; valet conclusio, hoc opus  
quoddam est, idq; meum est, hoc igitur est meum opus: sed  
concludendum est meam esse hanc possessionem, aut re  
aut aliud quippiam huiusmodi. Nec dissimilis est in aliis  
ratio. Ceterum istas captiones dissoluere nonnulli con-  
cur adhibita distinctione ad postremam interrogationem.  
Aiunt enim fieri posse, ut idem nos cognoscamus & non  
cognoscamus, sed non eadem ratione. Eum igitur qui ve-  
nit se fatetur non nosse, Coriscum autem se nosse aiunt:  
& conclusionem quae efficiunt eundem illos nosse & non  
nosse. ad extremum, concedunt, sed tamen non eadem ra-  
tione. At qui illud primū ut vera sit dissolutio, necesse est

(quod etiam nos paulo ante diximus) ut ad omnes eiusdem  
generis captiones diluendas sit accommodata, quod in hac  
cadere non potest: quandoquidem si non ex verbo nosse, sed  
ex verbo esse, aut certo quodammodo affectum esse, pronuntia-  
ciatum illud constaret, non haberet locum illa solutio.  
Verbi gratia in illa captione, Hic pater est, & est tuus:  
quid quae loci habeat illa solutio? Ut enim in quibusdam  
id verum sit, fieri posse, ut idem tu scias et nescias, at certe  
haec captio nil habet cum illa communione. Porro autem nil  
vetat, quominus multis modis sit viciosa & fallax eadem  
captio: attamen non omnis vici explicatio est vera captio-  
nis illius solutio: quippe cum fieri possit, ut falsum esse id,  
quod cocluditur, dicas, & tamen unde oriatur falsa illa  
conclusio, non ostendas. Qualiter usquevenire potest in ar-  
gumentatione Zenonis, quanil possemoueri ostendere co-  
nabatur. Quapropter quis respondens contra argumentum  
tari conetur, ut id absurdum esse doceat quod alius co-  
clusit, absurde faciet, tametsi vere ac necessario id co-  
ficiat. Neq; enim hoc est argumentum dissoluere, praesertim cum  
vera solutione appellauerimus, talem falsi syllogismi ex-  
planationem, ut quare sit viciosus, ostendatur. Itaque si qua-  
do argumentum nil necessario cocludit, huius ipsius rei  
declaratio erit solutio, idque dico siue veris, siue falsum ali-  
quid illud argumentum cocludat. His accedit quod possit  
illa quidem fortasse solutio ad quasdam captiones valere,

at in ijs certè ad quas modo adhibetur, vix locum habere posse videatur. Nouit enim ille Coriscum hoc ipso quòd Coriscus, & venietem hoc ipso quòd venit: at nosse idem & non nosse, est tale aliquid quale vſuueniret, si tu quod albus quidem sit quispiam nosses, eundem autem musicum esse ignorares: sic enim tu idem scires & ignorares, sed non habita ratione eiusdem rei. Hic verò vtrumq; nouit, et Coriscū quòd sit Coriscus, & venietē quod veniat.

In eodem errore, in quo ijs quos modo diximus, versantur, qui cōcedendo omnem numerum esse multū & paucum, captionem se putant dissoluisse. Cū enim nil necessariò ista captio concludat, hoc prætermisso, ad id se conferunt, ut veram esse conclusionem dicant: omnem enim numerum & multum & paucum esse magno suo errorefatentur. Sunt etiam qui dicentes multiplicatatem in esse in ijs verbis, est pater tuus, aut filius, aut seruus, captivas illas conclusiones, dissoluunt. Atqui ut dicatur ad multiplicatatem pertinere reprehensio, perspicuum est opere, ut aut nomen, aut oratio, multa propriè significet: hunc vero huius esse filium propriè dici nemo affirmare audeat, si hac oratione significetur, hūc esse dominū huius qui alicuius est filius: sed fortè temerè & (ut sic dicā) per accidens factum est, ut ista ad extremū coniuncta sumerentur, in hunc modum, nōne hic tuus est? etiam. Ac iste est filius: est igitur hic filius tuus: quia scilicet ita for-

L

re accidit, ut idem, & tuus esset, & filius, non quidem tuus sed alicuius. Quod ideo dicendum de captione qua est generatio non esse aliquod bonum cocluditur, quia prudenter sit malorum scientia. Nam aliquid esse aliquorum non dicitur multipliciter: sed possessionem modo hoc significat: aut si forte multipliciter dicatur (ut certe videtur dici, quandoquidem homo non potest esse dicitur nec tam hic possessio nulla significatur) nil tamen ad ipsam captionem pertinet. Etenim si ita aliquid ad mala affectum sit, ut illa affectio in genitivo casu exprimatur, dicitur quidem illud cum aliqua adiectione et hac ex parte, esse non potest omnino autem & simpliciter non dicitur esse non potest. Unde efficitur ut potius illa captio sit referenda ad locum ex eo quod quadam ex parte & simpliciter dicitur, quam ad locum ex multiplo. Quiaquam illud fortasse possit accidere, ut illa oratio, aliqua bonum esse non potest, dupliciter accipiatur, licet in ea de qua agitur captione non sit multiplex: Verbi gratia, si seruus aliquis bonus, sit malus domini. Nisi forte ne hac quidem ratione possit illa multiplex appellari. Neque enim si separatim verum sit hoc esse bonum, id est illius, recte coniunctim efficietur, hoc esse bonum illius. Quin ne illud quidem hominem esse non potest multiplex est, quando ne alibi quidem si quid dicamus suppressa aliqua particula, que ad plenam sententiam desideretur, recte diximus multiplex esse orationem:

quippe cum recte ac sine vlla multiplicitate dari mihi  
Iliadē iussero, si pronūciato dimidio versu ita dixerī da-  
mihi nūnq̄ dñe de. Captiones etiā quæ ducuntur ex eo  
qđ quasi omnino ac simpliciter verū sit, tale quippiā esse  
dicit, aut ex aliqua parte, aut alicubi, aut quodāmodo,  
aut facta ad aliquid collatione, nō autem simpliciter ac  
citra vllam adiectionem, captiones inquam illae hac de-  
mūratione recte dissoluentur, si ad conclusionem diligē-  
ter aduertas, num contradictione horum aliquid vitiū ha-  
beat. Aduersa enim omnino qđ contraria, G aientia &  
negantia omnino quidem ac simpliciter in re vna dici  
non possunt, at quadam ex parte, aut facta ad aliquid  
comparacione, aut quodāmodo si pars vtraq̄ sumatur,  
in re vna dici possunt. aut etiam si pars vna citra vllam  
adiectionem, altera cum adiectione alicuius partis su-  
matur. Itaq̄ si pars vna simpliciter dicat, pars altera qua-  
dam ex parte neget, non poterit esse ista ratione reprehē-  
sio: id quod in contradictione quæ ad extremū quasi re-  
prehensionis causa concluditur nobis est spectandū. Ad  
hoc autem genus captionum omnes pertinet quæ sequū-  
tur. Fieri ne potest ut sit aliquid quod non est? at verum  
est dicererem quæ nō est tali aliquid esse. Nec disimili  
modo, nō esse aliquid quod est, ostendetur: quia dēre quæ  
sit, verum sit dicere nō esse hoc vel illud. Fieri ne potest ut  
sancte iare quispiam simul & peieret? Fieri ne potest

Lij

ut idem eidem simul credat & non credat? At illa certè  
eos sunt captioſæ, quia plurimū interest iter eſſe omnino,  
et eſſe hoc vel illud: quoſit, ut male efficiatur, ſi res aliqua  
quaꝝ non ſit, eſt hoc vel illud, omnino illā ac ſimpliciter  
eſſe. Itemq[ue] licet hanc quidem rem, & illa ex parte, ſan-  
ctè iuret quispiam, non tamē rectè concluditur omni ex  
parte ſancte iurare. Nā qui ſe peieratum iurauit, et  
peierat, iſ ſancte quidem quod ad hoc pertinet, & hac mo-  
do ex parte, iurauit, omnino autem ac ſimpliciter non re-  
ctè. Is quoque qui non credit alteri, non simul illi omni-  
no credit, ſed quædam credit. Similis etiam iſ eſt illa ca-  
ptio qua simul aliquem poſſe mentiri & verū dicere oſte-  
ditur. Verum quia difficile eſt statuere, utrum ei quod  
eſt veracem eſſe, tribuēdū ſit illud ſimpliciter, an ei quod  
eſt eſſe mendacem, propterea difficultis videtur huius cap-  
tionis explicatio. At qui nil incōmodie eſt, ſi dicamus eū  
dem hominem ſimpliciter quidem mentiri, ex aliqua ta-  
men parte verum dicere: aut ex parte aliqua verum dice-  
re, qui omnino tamē mentiatur. Nec ſecus profecto iudi-  
candum eſt de iſ, in quibus quod dicitur, facta modò ad  
aliquid comparatione verum ſit, aut ex aliqua parte in-  
ſit, aut ad certum quoddam tempus. Nam ex hac eadem  
cauſa omnes huiusmodi captiones proficiſcuntur. Non-  
ne ſanitas bona, aut diuitiæ bona? At iſ qui parum priu-  
dentes ſunt, quiq[ue] iſ ut recte non poſſunt, non ſunt bona;

sunt igitur haec bona & non bona. Nunquid bene valere, aut in sua ciuitate potentem esse bonum est. At qui euenire tempus potest, cum id non sit bonum: idem igitur ei dem bonum & non bonum. At hoc certe non est incomodum, quod omnino ac simpliciter bonum est, huic aut illi id non esse bonum. Nonne id malum est quod non vult sibi vir prudens? bonum autem vir prudens non vult amittere: bonum igitur est malum. non recte efficitur. Plurimi enim interest, dicas bonum esse malum, an bonum amittere, esse malum. Huic similis est captio, quae de fure fieri solet. Neque enim si fur est malus, propterea oportet, ut eum capere sit malum, non igitur qui eum vult capere, malum vult, sed potius bonum, quippe cum bonum sit illum capere. Nam morbus quoque malum est: sed eo liberari non est malum. Nonne iusta iniustis, & quae iure fiunt, ipsis quae iniuria, optabiliora sunt? At optabilius est iniuria mori, quam iure. Nonne aequum est sua quenque habere? Quae vero tibi ad iudicata sunt falso iudicio, sed tamen ut putauit iudex esse aequissimum, ea legibus ratae esse debent. Est igitur idem aequum & iniquum. Est ne is condemnandus qui aqua profert in iudicio, an qui iniqua? At qui aequum est eum cui facta est iniuria, omnia proferre, quae suo cum dano pertulit: erant autem illa iniusta. Haec omnia sunt captiosa & fallacia argumenta. Neque enim si iniuria pati aliquid optabile est, statim existimandum est omnino id ma-

gis experendum esse, quod cum iniuria coniunctum est,  
quam quod iuri consentaneum. Sed omnino quidem ac  
simpliciter ius est iniuria optabilius, nil tamen vetat quo  
minus iniuria, quod ad hoc vel illud attinet, sit magis ex  
petenda. Itemque sua quenque habere aequum est, aliena ini-  
quum: Et tamen iudicium hoc iustum esse nil prohibet,  
nimis qui aut aequissimum esse existimauit iudex, ita  
iudicauit. neque enim oportet si quid quod ad hanc quide-  
rem attinet, aucto modo, iustum est omnino esse iustum.  
Simili modo ut sint aliqua perse iniusta, fieri tamen po-  
test, ut illa recitare et in iudicio edere iustum sit. neque eni-  
recte efficies iustum esse quippe si illud exponere iustum  
sit, sicut non est necesse id esse utile, cuius narratio utilis  
est. Quod idem de rebus iustis sentiendum est. Illud itaque  
non recte concludebatur, quia iniqua erant que edidit  
is qui passus est iniuriam, propeera eum vincere qui ini-  
qua in iudicio proculit. nam illa proculit que edere qui-  
dem aequum erat, simpliciter autem, et ad ferendum ini-  
qua. Captionibus autem que ex definitione reprehensio-  
nis existunt, earatione occurrentum est, quam in superi-  
ore loco subiecimus, exquirendo, an contradictonque ad  
extremam in conclusione proponitur, ipsam omnino verbis  
rebusque constet, an in eadem repars utraq sumatur, et ad  
idem, et eodem modo, et in eodem tempore. Quod si iam  
inde a principio disparata interroget alius, non est fater-

dum fieri non possunt idem sit duplum & non duplum:  
quin potius concedendum est fieri posse, non eadem tamē  
ratione. Id enim esset sineulla contiouersia reprehēdi et  
conuinci. Dicuntur autem omnes ista & captiones ex hoc  
loco nūquid quāq; rem nouit aut ignorat, qui nouit aut  
ignorat quānā & qualis sit res quāq;. At qui idē qui no  
uit Coriscum quod Coriscus sit, eūdem quod sit musicus  
ignorat: eandem itaq; rem scit quispiam & ignorat. Et  
rurus nonne maius est quod quatuor cubitorum magni  
tudinem habet, quam quod trium? At fieri potest ut ex  
tri cubito, fiat magnitudo quatuor cubitos in longum pro  
ducta: Et necessē est ut omne quod maius est minore si  
maius: potest igitur fieri ut idem seipso sit maius & mi  
nus. Hisvero quae ducuntur ex eo quod id ipsum de quo  
a principio suscepta est disputatio, sumitur, ita occurren  
dum est, ut ille quidem qui respondet si talia sumere ad  
uersarium perspiciat, nil eorum admittat, ne si illa qui  
dem sint probabilia: ita tamen ut interim vera esse dicat  
illa quae non admittit. Si ille nō perspiciat a principio  
talia esse quae sumit aduersariuss, ignorationem suam in  
aduersarium propter huiusmodi argumentorum vitium  
rejicit: dicens nil eum tandem confecisse nec bene dispu  
tasse. Debet enim ut sit reprobens, abesse petitio principi  
i. Deinde vero dicet respondens se illa admisisse, non ve  
ijs aduersarius contra se vteretur, sed ut aduersus illa dis

putaret, eiusq<sup>z</sup> contrarium cōcluderet, quod captio sua  
reprehensione confecit. Quod verò attinet ad eas quæ ex  
consequentibus eruuntur, in eo ipso vnde vim habere ar-  
gumentum videtur, vitium indicandum est: cū enim du-  
plex sit argumentum à consequentibus, vnum in quo ex  
parte vniuersū genus, cōcluditur: ut ex homine animal:  
alterum in quo inter contraria tractatur consecutio: in  
priore genere dicēdum nobis est, eo aduersarium peccare,  
quia velit, ut ex hoc illud sequitur, ita vicissim ex illo hoc  
concludi, quod minime necesse est: in posteriore autē quia  
velit, si ex hoc antecedente illud consequens efficitur, ex  
contrario antecedentis omnino ac semper confici contra-  
rium consequentis. Cuius generis est argumentatio Mel-  
lissi. nā si quod generatū est principiū habet, ex eo cōfici  
rectè existimat quod nō est generatum, nō habere princi-  
pium. Itaq<sup>z</sup> si ingenitum est cœlum, nō habere principiū  
adeoq<sup>z</sup> esse infinitum. At qui non itares habet: quādo-  
quidem inter disparata consecutio conuerso ordine tra-  
ctanda sit. In ijs autem captionibus quæ oriuntur ex eo,  
quod amplius aliquid adiectum est, quam ex quo ducen-  
dum fuit argumentū ad conuincēdum alterū, videndū  
est, si eo quod dixisti sublato, nihilominus sequatur idē  
incōmodū. Quod vbi ita esse compereris, tum id tibi est  
planum faciendum, dicendūq<sup>z</sup> omnes propositiones te nō  
eo admisisse, quod veras illas esse putares, sed ut videres

quid tandem ad rem facerent: iā autē omnino ad rē nil  
pertinere quæ ipse sumpserat. Captionibus vero quæ plus  
res interrogationes quasi vñā accipiūt, iā inde ab initio  
occurrendū est, idq; adhibita distinctione. Est enim vna  
interrogatio, ad quā simplex recte adhibetur responsio.  
Itaq; nec plura devno nec vnum de pluribus affirmandū  
est aut negandū. Porro autē sicut in homonymis inter-  
dū euenit ut vtraq;, interdū ut neutra significatione verū  
sit quod interrogatur, eoq; accidit, ut qui quasi ad simpli-  
cem interrogationem vnam dedit responsionem, nullo in-  
de possit vrgeri in cōmodo: ita in ijs de quibus agitur usu-  
uenit, ut quando plura devno, aut vnum de pluribus vere  
affirmatur, aut negatur, qui simplicē ad illa dederit res-  
ponsionem, quanquam in eo, vitio nō careat, nullatamē  
hinc ductaratione cōuinci reprehēdiq; possit. Quando  
verò illa parti vere, parti falso dicūtur, aut etiā qndo plu-  
ra de pluribus ita enunciantur, ut vno quodā modo vtraq;  
verisq; conueniant, alio quodam modo non conueniant,  
cum verò maxime nobis cauendum est. Exempli causa:  
Acceptis duobus quorum vnum bonum sit alterum ma-  
lū, nōne illa verum est vno modo dicere esse bona et mala,  
et rursus altero nec bona nec mala? neq; enim vtraq; attri-  
buta verisq; subiectis inesse possunt: Idem igitur bonum  
et malū est, et rursus nec bonū nec malum. Itē si quaeq;  
res secum est eadem, et ab alijs diuersa sumptis duobus dī-

ueris, in hunc modū fiet captio. Hæc ad se comparata nō ad alias sunt eadem: Hæc eadem ad se comparata sunt diuersa: Sunt igitur eadem res a se in uicem diuersæ, & eadem tamen. Item si bonus quispiam malus fiat, & malus quispiam, bonus, hic etiam ex simplici respōsione efficietur, vnum ex ijs duobus, simul duo contraria effici. Itē acceptis duobus inter se in æqualibus, verū est dicere illa ad seipsa comparata esse æqualia, erūt igitur eadem aliqua inter se æqualia & in æqualia. Neq; vero ego illud negauerim posse in has captiones aliam solutionem cādere: præsertim cū illud verbum, vtraq;, itemq; illud, omnia, multis modis dicantur. Unde fit ut nō idem affirmetur & negetur nisi nomine tenus: quam veram esse reprehensionem supra negauimus. Ceterum illud planū est nunquam illa in commoda sequi potuisse, nisi ex multis interrogatiōibus vna facta esset: & si vnum vni attributum fuisset affirmando aut negando. Q uod verò attinet ad eas captiones, quæ eo spectant, vt ad ineptam eiusdem verbi repetitionem aduersarium perducant, hac ratione perspicuum est omnes dissolui posse, si negemus attributa quæ ad aliquid sunt separatim sumpta præter se quicquam significare. Exempli causa, si solum ac per se duplex dicas sine adiectiōne simplicitatem si verum sit in duplo simplum quodam modo appellari. Etenim in hac oratione, vno minus decem, verbum illud, decem, acceptū est,

nec decem tamen illa oratione significantur. Item quod in  
hac negatione, non facere, inest verbum facere, atque adeo  
in omni negatione inest affirmatio: neque tamē verum est  
eum qui dicit, hoc non esse album, significare album esse.  
Duplum igitur nil quicquam fortasse præter se significat,  
sicut nec simplū significat id quod in ipso intelligi-  
tur: aut si significat non eode certe modo separatim atque  
coniunctim significat. Neque etiam scientia in species ū  
pta, velut si medicina est scientia, id ipsū significat quod  
cum in genere sumitur, quod quidem erat scientia ad id  
quod subscriptam cadit comparata. De ijs autem attri-  
butis quæ per ea subiecta definiuntur, de quibus ipsa di-  
cuntur: illud primū nobis dicendum est, non idem signi-  
ficare verbum aliquod seorsum, atque in oratione acceptū.  
Curuum enim si cōmunicer ac perse sumatur, idem si  
gnificat in simo & in varo: at cōiunctum illa cum naso  
hac cum cruribus, nil prohibet aliud atque aliud significa-  
re: præsertim cum idem sit nasum curuum et nāsimū  
appellare. Deinde vero non est permittendū aduersario,  
ut in recto casu subiectum, cum ista verba definit, accipi-  
at: quandoquidem falsa illo modo fiat oratio: neque enim  
verū est in recto, simū est nāsus curuus, sed in obliquo di-  
cendū, simū est nāsitalis affectio. Quocirca nil absur-  
dum sequitur, si in alio casu verbum illud nāsus repeta-  
tur dicens nam simū esse nāsum habentē nāsicurū.

Mij

tatem. Quod autem ad solæcismos attinet, unde illi quidem ducatur supra exposuimus: quomodo autem ipsos occur- rendum sit, ex ipsis captionibus intelligemus. Nam istæ quas subijciam ad solæcismum efficiendum omnes per- tinent. Nonne quod verè dicis hoc reuera est? dicis autem aliquid esse lapidem, est igitur aliquid lapidem. At enim quia lapidem dicit non neutrum, sed masculi- nū, non nominatiū, sed accusatiū dicit. Quo circa si hunc in modum interrogaasset alius, nonne quem tu esse vere dicis, est illud? statim apparuisset illum non lati- neloqui: quemadmodū ne is quidē latine loqueretur, qui interrogaret, nonne hic est quā tu esse dicis? Lignū vero & alià quævis nomina quæ nec masculina nec fæmini- na sunt an illo modo mutatis casibus interroges, nil re- fert: unde etiam fit ut si illam captionem ad neutrū accō- modes, non fiat solæcismus: nonne quod tu esse dicis illud est? lignum autem tu esse dicis, lignū igitur est. Lapis au- tē & articulus, hic, masculinorū habet inflexionem. At vero si interrogaauerit quispiam, sit ne iste illa? tū subie- cerit, nonne iste est Coriscus? & ad extremū concluserit est igitur iste illa: non erit profecto hoc modo conclusus so- læcismus: ne si Coriscus quidē reuera idem significet cū aliquare quæ est fæminini generis, illud autem ita esse non admiserit respondēs. Nam ut aliquid tandem cōficiatur, illud præterea ad superiores interrogations adiici debet.